

泉州府志

第二十三册

卷之四十六至

卷之四十七

泉州府志卷之四十六

循績

士嘗伏處未遇諱不思表見於時及拜命入官國計
民生兩無裨益有指河水清漣譏我尸素者矣泉操
土音而性真率辭捷給脂韋之習所至或多齟齬而
視國如家視民如身類能隨時屬職故在內則官守
言責殫力贊襄在外則建節司牧極意精循當其成
績悉昭朝野交指而目之曰此泉產也光厥邦家榮
及閩里嗣不休歟若乃均列仕籍或交獻無徵莫詳

身外凡元
事實或履任不久未竟敷施又或屈居下僚起而輒
蹶要皆各有所長非苟焉而已

國家澄清吏治內外臣工大法小廉其政精殊尤者常
不次擢用以勵官方生斯世者其益恩自建樹以無
負天工人代之義載志循績附仕蹟

朱循績一

王言徽

陳制

歐全

蔡貴寔

謝徽

蘇紳

趙誠

林杞

呂璠

陳汝真

謝季成

謝履

楊汲

石亘

朱直方

黃發

劉達

林黃中

曾孝廣

王公濟

蘇伯材

傅惟肖

伯

呂諒卿

林景淵

江常

陳康年

楊友

徐瞻

吳達老

王言徹字子明晉江人端拱二年進士知南豐縣有治績

秩滿赴闕擢知邵州歷漳鄂滁三州在漳時開蓮浦以

泄水患翼道植松抵泉境二百餘里在鄂及滁人皆生

祠之真宗祀汾陰郡守例遣子弟奉表得恩授官言徹

獨遣僚屬曰吾子孫衣白袍以舉子場足矣所著有郡

南集瑯琊集子千仞公佐景純曾為奏名

志

陳綱字舉正同安人父元愷善屬文終其印合綱淳化三年進士爲建州觀察推官故事歲春夏率丁夫數萬採茶綱入奏請以北苑茶供御餘皆賦民收其租入在民者官復定其直償之則民不困而國亦利詔如其請建民德之累官淮南江浙荆湖制置發運使第統統子昌

侯俱進士

舊志

段全晉江人咸平五年以將仕郎任仙遊尉下車首務興學遷學邑南作孔子廟據三體圖作七十二賢像扶植風教作與士類自是文風益盛油邑志至今後道馬

蔡黃裳字叔文晉江入大中祥符元年進士知虢縣鳳翔
守有親校號人也招權受金錢黃裳至縣先執校縛傳
舍中廼謁守條其奸狀置于法已而改知建陽縣秩滿
解去邑人遮使者乞再任朝廷從之在建陽八年後爲

陳州從事致仕因寓居陳州卒趙抃銘其墓子確

舊志

謝徽晉江人

一作徽

祥符八年進士爲臨川令歷漳州軍事

推官太守受賄舞法徽据平無所撓訟者不之守而之
徽州政得不敗守亦善去改大理丞知龍溪縣縣人曰
是故州從事皆喜賀至則決滯訟剗舊蠹民以便安徙

北流縣城郭倉廩廨舍道梁一皆新之就知雷州軍州
事州臨海不知學爲葺文廟聚子弟教以儒術自是始
有習舉業者大嘉季郁築城得吉印立盜契奪民田百
餘家五十年不能直有訴於徽者卽捕繫庭下問狀具
伏而郁老當贖徽條其甚惡不可假卒致以法通判福
州畫購巨盜悉誅其黨諫議大夫方謹言治廣州辟徽
貳政廉取番舶輸官之利以招其徠及罷去夷人涕泣
思之知建州庭無留獄長老紀焉尋知開封之祥符治
愈精微有聲名朝廷用薦者言將任以刑獄錢穀求便

藩得海州會歲早有蝗過境一窟蝗遂死吏民驚歎爲
異政之應卒於官嘗自言居官三十九年無小過失實
自平生謹畏子彥輔季成俱太廟齋郎仲規舉進士爲

蕭山尉

聞書叅蔡
忠惠文集

蘇紳字儀父同安人

宋史載
晉江人

初名慶民天禧三年進士歷

宜安復三州推官改大理寺丞母喪寓揚州州將盛慶
以文學自負見紳文大驚自以爲不及由是知名再遷

太常博士舉賢良方正科擢祠部員外郎通判洪州徙
揚州上十議進直史館爲開封府推官三司鹽鐵判官

時衆星西流代地大震方春而雷詔求直言紳上疏極
言時事安化蠻蒙光月寇宜州敗官軍殺鈐轄張懷志

等六人紳言今日之患由往者守將失計而國家姑息

太過此時可緩圖不可速取請命轉運使備數年兵食

爲持久計扼其出路俾進無抄畧之獲伺便卽盛兵搗

巢諭以送款且詔旁近諸蠻毋得相爲聲援如獲首級

卽行優賞不出一年逆寇必就殄滅朝廷施用其策遣

馮伸已守桂州經制之蠻遂平又陳便宜八事曰重爵

賞慎選擇明薦舉異章服適才宜擇將帥辨忠邪脩豫

備帝嘉納之進史館脩撰擢知制誥入翰林爲學士再
遷尙書禮部郎中王素歐陽脩爲諫官數言事紳忌之
會京師閔雨請對上言國之號令不專於上威福之柄
或移臣下虛譁憤亂故其咎僭厥罰常暘意以指諫官
也諫官亦言紳舉御史馬端非其人改龍圖閣直學士
知揚州復入爲史館脩撰權判尙書省紳博學多智喜
言事銳於進取顧亦善中傷人改集賢脩撰知河陽徙

河中未行卒葬於丹陽子頌

舊志參宋史
廣西通志

趙誠字希平晉江人天聖五年進士通判撫州郡有疑獄

守刺深趣上薄暮請列誠知異日有赦故延讞實墓
赦果至獲免者衆知歸州州有淫祠曰巴王歲夕殺人
以祭誠毀祠投像於江州東三十里有新灘前後溺載
不可計屢議疏鑿旁灘大姓射阻險之利輒以游言沮
其役誠條奏利害結廬視役既成人號曰趙江卽所廬
祠焉入爲三司戶部判官出知明州卒于官

舊志

林杞字卿材南安人天聖五年進士歷知康雅淄秦四州
在秦州脩築海埭復良田數千頃使者上課最爲淮南
第一淄州圭田歲入之外例輸穀六百杞曰田植五穀

絹何從出耶却不受以光祿卿乞致仕卒年九十植

亦有文名終著作佐郎從子景淵

舊志參
闕書

呂璿字季玉號吉甫南安人

闕書廣西通志
俱載晉江人

景祐元年進

士爲漳浦令立學擇師以教士境內多瘴霧蛇豕之毒

教民焚燎以耕民有陳姓者死於虎璿立窆虎坑嶺榜

曰暴吾民者入吾窆明日窆有虎人咸異之汀虔寇發

募民爲兵教以攻守法賊聞不敢犯既去民祠焉知衡

山縣撤淫祠以爲亭館通判宜州儂智高入寇轉運使

檄璿以兵會璿二千人臨其後得賊首爲多調開封府

司錄有中人史志聰後殿廬衛士伐後苑木以爲器用
木墮殺士事下按驗吏多爲聰地瑋疏重其罪志聰以
謫去瑋剛直遇事敢爲必得所守然後已歷守湖懷二

州官光祿卿卒子惠卿升卿諒卿

舊志參閩書
廣西通志

陳汝真字公武晉江人徙居丹徒舉寶元元年進士調遂

安令知邵武軍後知海州歲飢發賑不俟報爲監司所

劾汝真請以身坐母累僚屬朝廷嘉之置不問及母歿

歎曰不及養矣遂隱居不復出子龍輔

閩書參江
南通志

謝季成字子立晉江人以父徽蔭歷大理評事衛尉丞照

寧中累遷內藏庫使知宜廉融邕四州廣西鈐轄峒蠻
侵叛悉討平之于合浦築城浚隍備禦之具爲一路最
邕筦外寨戍兵歲物故常千餘請以峒丁代戍而教之
既不失備且可救死亡咸以爲便元祐中卒于官邕人
廟祀之號清戎將軍

舊志

謝履字履道惠安人唐御史遜之裔嘉祐二年進士調南
安簿歷清溪令視泉州爲本貫防檢尤嚴熙寧中主都
水監遷丞奉曹州靈平決河有功法當改官不自言以
秘書丞兩知興化軍歷婺州尋乞致仕卒年七十九著

行書隸書有雙冬詩集行世子宋參承事郎孫齊名

直郎曾孫汝為元孫汝曾侯朝科從弟文龍

舊志參
閩書

楊汝字潛古晉江人嘉祐二年登進士第調趙州司法參
軍州民曹溥者兄遇之不善兄子亦加侮焉溥持刀逐
兄子兄挾之以走溥曰兄勿避自為姪爾既就吏兄子
云叔欲給吾父止而殺之吏當溥謀殺兄汝曰溥呼兄
使勿避何謂謀若以意為獄民無所措手足矣州用其
言讞上溥得不死主營開封界常平權都水丞與侯叔
獻行汴水淤田法遂醜汴流張潦以溉西部瘠土皆為

良田神宗嘉之賜以所淤田千畝遷淮西刑獄提舉西
路常平脩古芍陂引漢泉灌田萬頃召判都水監爲大
理卿遷刑部戶部侍郎元祐初以寶文閣待制知廬州
崔台符被劾汲亦落職紹聖中復爲戶部侍郎卒

宋史
參明

一統志八
閩遠志

石亘字彥明同安人廢從弟嘉祐八年進士累遷司農寺
幹當公事熙寧中淮浙江東飢從司農卿張諤賑濟所
過盡發官府庫置場給散又募人收養遺棄小兒所全
百餘萬有司劾其不循常法與諤俱罷亘曰使事有指

將以施實惠于民也若以法繩之敢逃罪終陝西運屬

嘗編漢唐名臣奏議五十卷自爲文集十卷

舊志

宋直方字順中晉江人熙寧三年進士知登縣登有橋水
歲敗之直方令父老疏橋柱以殺水怒益伐石爲堤役
成一邑以爲利使者以率斂劾直方移知王屋性簡素
雅好山水之勝至王屋卽召家人曰吾某日當爲物外

之遊至期盥洗正坐而歿

舊志

黃發晉江人元豐初知龍泉縣脩崇學校進諸生講論經

學邑由是多聞人

閩書參括
舊彙紀

劉達字公達同安人元豐八年舉進士第二人調越州觀察推官累官同知樞密院事中書侍郎崇寧五年正月徽宗以旱變避殿減膳達請碎元祐黨人碑寬上書邪籍禁帝從之夜半遣黃門至廟堂毀石刻翌日蔡京見之厲聲曰石可毀名不可滅也二月京免相達與趙挺之同心輔政盡更張京所行事進用元祐黨人子弟後京令其黨復申紹述之說鄭居中言陛下所建立乃厚下裕民何致天譴輒更張耶帝遂疑達于是京黨論達專恣反覆引用邪類出知亳州京復相再責鎮江節度

副使安州居住京復罷起知杭州後召至都卒贈光祿大夫呂大奎贊曰崇寧之初耿耿孤忠政尙元祐弊革熙豐國事一新公其彌縫千載垂休斯文有功然宋史

稱遠附京躡進

閩書

林黃中字伯玉晉江人父臯治平中進士調建州理椽雪活獄囚註誤不受賞格黃中元豐八年進士調永豐尉有張生者貧負租黃中密以俸代其輸張生未幾擢第遷歸善令有院僧與豪民爭田各持嘉祐契券界至歲月皆同先後令不能決黃中遣吏取架閣文字嘉祐年

者審之紙札與僧契同豪民伏辜知彭城彭號盜區訟
藪黃中治甫半年獄空幾兩月部使者以聞傳旨獎諭

舊志

曾孝廣字仲錫晉江人公亮從子元豐末爲北外都水丞
元祐間大臣議復河故道孝廣以爲不可出通判保州
久之復原官歷水部員外郎河決內黃詔孝廣行視遂
疏蘇村鑿鉅溝導河北流紆澶滑深瀛之害遷都水使
者洛水瀕歲溢涌浸齧北岸孝廣按河堤得廢渡口遺
跡曰此昔人所以殺水勢也即日濬之累石爲防自是

患息出提點永興路獄累遷戶部侍郎進尚書坐錢帛
不給罷爲天章閣待制知杭州又坐聘契丹失使體奪
職尋復之知潭州胡安國提舉湖北學事舉永州布衣
王繪鄧璋文應詔爲蔡京所陷置獄推治衆爲危言孝
廣往唁退謂僚佐曰胡提舉凝然不動賢於人遠矣遷
顯謨閣直學士知鄆州竟坐大觀中與胡安國鄒浩忤
時相爲御史所論奪職尋復原官以疾卒贈正議大夫
孝廣涖官以嚴稱獲盜輒碎其手焉

舊志參
閩書

王公濟字經國晉江人年十八登元祐六年進士宣和閒

知温州瑞安縣時方臘攻浙東諸邑掠黃巖樂清直趨
縣境欲遂窺閩中公濟召邑豪及父老諭之揀丁壯得
五千人朝夕肄習分守要害與尉梁公範躬擐甲胄九
十餘日不入廨舍民樂爲之死賊至今夏祥輔褒等迎
擊之賊避其鋒遁去最後悉衆以來公濟先募士繡大
旗爲福建路槍杖手字旣陳張旗賊望見以爲援兵至
大驚卽引退賊平公濟代還以疾卒有司上其功官一
子瑞安聞公濟死市哭累日立廟祠之徐師仁爲之傳
而贊之曰公濟以小邑嬰賊鋒誓以死守雖張巡劉昌

輩何以遠過闕不被兵公濟力也

舊志參溫州府志

伯材字庭構晉江人紹聖四年進士知潮州有富民殺其姪女懼而賄吏爲密懷黃金三十斤置伯材所具言求毋入狀伯材立械治之籍金于官辭連縣佐按之帝聞下詔褒美擢知韶州憲司吏誣執翁源民爲盜以侍賞因賂縣官梁格使就獄殺之伯材廉其事疏論格坐黜海島吏伏辜其廉正類此著有周易解義三十卷及文集藏于家從兄珍玠子松俱登進士第松與東坡唱

和有文集一編

舊志參廣東通志

傳惟肖字應求南安人紹聖四年進士知清江縣屬歲歉

發倉賑濟飢民赴糴攘奪之巡尉希賞欲以強盜論惟

肖笑曰迹則似矣顧未嘗結徒操兵柰何加以重辟由

是全活者衆終岳州通判閩書作徽州惟肖子倘爲潮州錄

叅獨上供耗銀民德之知肇慶府端溪有紫石可爲硯

屬縣以石工占胥無慮數十倘悉斥去之舊志

呂諒卿南安人璫之子閩書載晉江人元符中爲溫州軍事推官

上書詆紹述新法之非崇寧元年編類元符章疏姓名

諒卿以邪等尤甚入黨籍追官勒停亳州編管御書姦

寔碑以賜惠卿惠卿自勸求罷奏乞令出籍諱卿廢錮
終身紹興二年贈宣教郎官其家

舊志卷
同書

林曼卿字深父南安人杞從子崇寧二年進士歷官知惠
州擢捕土寇劉德隆降詔獎諭未幾請老嘗夢神人贈
以詩曰平生萬事皆安分須信靈臺一點清歸去分明
無障礙蓬萊堦率是前程一日命家人具袍笏曰吾將
朝真去矣時李邠與之隣居聞之折簡來言曰釋老之
道與孔子不殊但會曾子易簣子路結纆無餘事矣景

淵啓簡視之整衣冠而卒

舊志卷
同書

江常字少明晉江人崇寧五年進士累官給事中靖康初
知福州建州賊乘流趨邇州城常登陴呼其酋諭以禍
福賊羅拜城下遁去靖康以後州卒驕橫謹趨牙門常
蹤跡得其尤黠者付保伍因事去之士始識紀律尋奉
祠歸益薄榮利歲飢創粟賑濟父喪廬墓以壽終有外
制十卷文集二十卷

舊志參
閱書

陳康年字季昌晉江人政和二年以上合選如海陽潮陽
二縣捐俸以貸通賦運私穀賑飢民當路交薦通判潮
州攝州事察寇犯境嚴備卻之歷官二紀公廉如一日

潮人與陳堯佐並稱二陳孫謙淳熙中登第爲興化軍

教授

舊志參閱書
廣東通志

楊友字叔端晉江人政和二年武舉及第第一知欽州先

是交趾越界與前守爭鹽利謀舉兵及友至遣使來通

好宴交使于天涯亭賦詩友賡韻云可憐鱗細閑驚躍

誤把新蟬作釣鈎交使嘆誦稍語及地界友植鐵鎗於

亭曰能鑿戰耶悚息而退謀遂寢部人因呼爲楊鐵鎗

擢知廉州故事貢珠令民採取多滿死替友市於他州

以充貢所得恩澤先奏三兒子各一人云

舊志參廣東
通志閱書

徐瞻字德望晉江人少由三舍貢辟雍擢政和五年進士
歷理官三任知海陽政平恕通判廣州臺閩交薦當得
州同年秦檜當國恚其不求已不與坐是不調杜門十
五年觴詠自適守周葵表其里曰與德取治獄多陰德
子孫必興之義從孫挺伯嵩履正

舊志

吳達老字信遇初名天經惠安人謂姪孫政和五年第進
士丞建昌時朝廷更變法急老與令謀如此則磋商重
困堅執不行曰雖得重罪無害申軍乞奏未報閒朝廷
覺而罷之後知惠州大興學校令僉判陳鶴掌教事執

經者數百人有承節郎謝革者遺克徒劫掠仇家刃殺
其主焚所居室獄具達老慮賊黨奪囚先處革以極刑
乃自劾待罪有子七人兩遇郊恩先奏薦弟廸老述老
其弟以兄多子未霑命爲辭達老曰一官不足爲吾弟
榮聊以慰母心耳母年八十餘三乞奉祠侍養不出後

改知潮州卒于官子廸賞者二人

舊志參
開書

宋循績二

陳孝則

陳穎

徐光寶

趙汝傲

吳岡

王侃

林扞

趙公迥

黃逸

柯宋英

黃適

楊慶齡

王秬

劉敏求

傅自脩

柯知彰

曾覺

王顯世

莊方

曾楮

楊楸

中立

謝

翁點

陳研

陳樸

方烜

鍾元鼎

曾秘

趙伯遯

許衍

盧應時

林宗臣

陳孝則字永仲晉江人從易孫

閩書隆慶志俱云從易從孫

宣和三年

進士調東莞尉獲盜不言賞薦改通判潮州納苗賊令

民自槩量知英州代還奏罷涵口稅場人便之除廣南

東路提點刑獄有盜繫獄賂守獄者逸去誣繫他船商

以代孝則覆驗得其寃釋之後十餘年商過里門望廡拜焉關所居室名曰清取仁宗飛白賜其先人之義郡守王十朋嘗贈以詩其沒也復爲詩哭之曰心勞撫字陽司業獄喜平反雋不疑頭白不忘文字樂室清宜作

子孫規年八十有二子頴弟知柔

舊志參閱書

陳頴字奇之晉江人以父孝則蔭入官知海陽縣治尙寬

慈盡蠲無名之賦通判興化軍知邕州徙惠州妖醜嘯徒策日爲變帥臣欲以兵捕之頴謂捕則堅其必死之心不若撫之竟就招改提舉廣東市舶卒孝則以清著

穎亦廉謹世其家

舊志參閱書
廣東通志

徐光實字德充瞻從弟登建炎三年進士知海鹽縣歲旦
放獄囚歸省吏白恐亡去爲累曰我以誠遣彼必不以
僞應囚感激如期皆至知英州受代以月五日郡例新
舊守金支俸光實謂已替則不事其事辭不受徙連州
嶺表少廉吏光實一介不取曰吾以是娛親也卒年六

十二

舊志

趙汝倣字唐卿晉江人太宗八世孫紹熙初與父善新弟
汝僕同第進士郡守表其里曰三秀善新爲封州倣汝

倣通判德慶府築隄障晉康江亘三十里先是瀕江苦
澇至是皆爲上腴知賓州築城覆之以屋鑿七井城中
以免江汲民便之提舉廣東市舶遷提舉常平茶鹽歸

卒

舊志

吳岡字稚山惠安人初以辭賦預貢不第取所業焚之曰

是不足爲乃潛心經學紹興八年第進士教授陝郃二

州二州僻陋人不知學岡治學舍以經學指授諸生始

有第春官者後官夷陵卒州人廟祀焉自號耐閑翁有

詩集六卷黃維之爲序陳知柔銘其墓子寅侄憲甄俱

特奏補官

舊志參
閩書

王侃字仲和南安人炳孫歷官肇慶糾曹時倅王衣俘商人數百名以盜分圍鍛之將以爲功侃持不可倅適攝郡督成愈急同僚以危言怵之侃曰吾守職耳他非所憂也會移獄五羊帥親鞫得實破械釋之知漳浦後倅

福州未拜命卒子顯世

舊志參
閩書

林杆字廷植晉江人紹興十八年進士除歸善尉獲鹽盜十餘人白郡守請寬其罪不希賞格或諭之杆曰吾爲官忍幸赤子之無知以爲功哉轉肇慶教授初杆游太

學與林孝澤友善至是孝澤持節行部不入官舍而館于肇慶之學一日杆謂孝澤曰公宜他徙母重困我因出守貳已下書一束示之皆未啓緘孝澤止啓守書尋以薦牘翌日守持白金詣杆謝杆驚曰何使君待我薄也守慙退始杆居里故人爲舶屬來訪見杆一室蕭然惟案上圖書數軸從容謂曰仙居海濱豈無可委論者杆曰此言何爲至我遂不復謁謝遷南恩州僉判卒于

官

舊志叅閩書
廣東通志

趙公迴字仲和晉江人紹興二十一年進士除汀州戶曹

隆興御極郡卒念支賞緩羣謀譙門繫錄曹某將加害
公迴諭之曰貲與命孰重叛則爾誅貲於何有姑歸營
出知錄錢於我乎取衆始定錄雖生還遭毆瀕殆公迴
白守將臬倡亂者十餘州以無事知邵武軍以留正薦
召對知西外宗正事改南外攝州事莅政簡潔人不敢
干以私移西外陞直秘閣復轉外卒年八十三公迴貴
遠不肯治第居盤龍僧舍晏如也兄公遠見選舉志以

長于樂府稱

舊志

黃逸字德後晉江人紹興二十三年知興化縣政本至誠

尤崇學校建議道堂日集諸生講論刮削時主簿顏思

魯尉葛元樵皆知名之士邑號得人

閩書

柯采英字子飛始居南安徙晉江紹興十八年太學補試
二萬餘人第一二十四年進士教授四明除國子正遷

本監簿力求外補知梅州闢齋扁曰景程程名取南齊

時州中隱君子也以德行聞訟者不質諸官而取正於

程人思之與韓文公金祠于學程鄉所由名縣也英至

任滿獄無死囚人以德化不減於程代還三奉祠館挂

冠紳縣社門謝客州縣官稱議其面初教授四明守王

公十朋贈以詩有不于一介將行李慨爲孤甥罄橐金之句鄉士無少長皆以鄉先生稱之卒年八十六

舊志
參廣

東通

志

黃適字德夫晉江人以詞賦稱紹興二十七年第進士治廣州東莞縣不苛而辦帥意縣有餘藏會適謁府遣椽襲其賦椽奉意指籍常賦爲贏以獻他日府責賦適報椽已輸矣府豈欲令再斂耶卽文移數十訖無以償而

止帥因薦適治狀籍記中書秩滿守新州

舊志參廣
東通志

楊夢齡字子壽晉江人世永子父死時在官廨中年十四

以侍父當錄棄齡詣部乞改奏兄迄如其志後登紹興
二十七年進士調瑞安丞攝縣事歲疫聚食病者千餘
于僧寺捐俸資爲藥粥日親察視悉賴以活浚復塞之
河數百里後邑宰藉以冒賞棄齡終不言宰平陽屬河
患捐俸錢五十萬首其事脩斗門墜之役成民爲生祠
秩滿當道交薦欲處以六察俄卒于旅舍邑人聞之罷
市哭哀金入都扶護以歸姪炳

舊志

王和字嘉叟北嶽人父群章官著作郎娶丞相趙挺之孫
女建炎南渡從諸趙卜居于泉遂爲晉江人和少負才

名雖以蔭補官諸公競推挽由勅局刪定官登對改樞
密院編脩官歷刑部侍郎在官每抗疏言論切直後丐
祠歸泉南寓僧寺未嘗一問貫產其詩有投老歸來乏

一錢之句

八
選志

劉敏求字好古晉江人驥子紹興中爲大理寺評事面對
言比年監司郡守有以一章而舉二人甚至三四人前
所舉者未用後來求者復舉之名曰改舉贖害風教莫
此爲甚乞申嚴法禁無故而改重寘以法從之累遷刑
部侍郎明律令刊定新書平治大獄皆有始末以秘閣

脩撰知南劍治行尤異改臨漳卒于官

舊志

傳自脩字勤道晉江人紹興中監泉市舶務宿弊于去八九後番商爲貪吏所困號泣岸下或詰之對曰昔官有

鬚而白者主我故多載今不見此官人衆奪殆盡聞于

朝由福建機幕除提舉福建市舶番商舉手相賀知潮

州海寇猖獗自脩招降之請于朝籍爲水軍賴以控扼

海道累官直寶文閣將漕江西卒

舊志參
閩書

柯知彰字仲晦述曾孫祖助以學行稱由南安徙居晉江
大觀初郡以不求聞達薦召赴闕命下而卒知彰擢紹

興三十年進士為海豐令浚靈溪陂溉田三千餘頃民
懷之終通判福州子汪洪俱登第洪嘗以詞賦首鄉薦
文行為後進表

舊志
卷八

曾覺晉江人紹興末令繁昌歲飢發廩賑給又捐資脩葺

學宮

南畿
志

王顯世字子翼南安人侃子以廕補興化錄事叅軍有從
官起家守泉與鄉士爭田囑使為地顯世不可奪以歸
士一郡稱快愛輸卻斛面不取同列為寄倉將更吏以
數上顯世不願給云歸當取之吏白一去此不可得笑

曰吾不可得子孫不可得耶終身未嘗干爲真西山目
爲德行之士改秩去寧都縣卒顯世書無不讀以詩名
大篇尤婉麗奇古與里中趙彥慧韓雲瑞翁定僧宗達

太初爲王樓風月社有容安摘藁十卷

舊志奈
闕書

莊方字邦直晉江人隆興元年進士歷富沙鎮官莆守擅
放民租詔漕司覈實判官王佐以委方且數其虛誕法
名之過方援汲黯矯制事以對且謂減放皆實惠守得
釋爲福建機幕或請更鹽鈔事下帥司方歷陳不可遂
寢知昭州改瓊莞政尚廉靜萬安黎爭田守擅興師致

一敗坐累罷歸後起參議京西卒于柙

舊志

曾植字子直晉江人太學上舍生用孝宗登極恩釋褐累遷勅令所刪定官司農寺丞輪對言用人之道不當以南北文武二其心又不當以腐儒之故廢棄真儒復言勅令所刊乾道新書三事會大理丞闕孝宗諭執政曰曾植久任勅局深曉法意向輪對奏劄甚耿耿姑以是命之求外補知南劍州陞辭奏三事一曰監司當擇其才二曰關節請託都下尤甚三曰謀國勿用小人以漢恭顯唐訓注爲戒上大悅出奏劄付執政改知湖州未

赴卒

舊志參
閩書

楊懋字懋之晉江人朝奉宏才子乾道二年進士知永福
縣休辭輒乘小車行阡陌訪民疾苦遷提轄權貨務以
卒初宏才官四十年殖產錢僅八千且以先廬遜其弟

及懋復以奩田遜弟眩鄉人義之弟中立字南強知龍
巖縣捐俸築南隄民賴其利終知貴州懋子剛字時父
峭直能文辭朱文公稱之終贛州理椽有集二十卷

參閱

書

翁黈字沂伯先莆田人登乾道二年進士徙居晉江歷官

湖南運判奏除木路酒權行部潭衡閒官道潭淖焚爲
坦途爲江東提刑常平使者行役法民多不便點貽書
諭意亟更之郡人爲立碑開禧初有旨調赴行在御史
徐榘韓侂胄黨也劾點寢召命點上章自辯謂榘私託
不行所以貽怒且侍郎楊輔秘書劉起晦皆今之望也
報怨併兩人皆論罷中外失望韓侂胄見其章大怒追
三官送新州安置卒于貶所人皆傷之

舊志參
隆慶志

陳研字叔幾晉江人濠州判詳從姪乾道二年進士官臨
汀上疏乞弛鹽禁且請置寨柳陽團以備鹽盜詔從之

權貴欲引爲御史先諷之排擊故相研曰公議不可犯
故相不可彈以忤去提點湖南刑獄永有富人吝於施
被乞者毆死官吏利其賄反抑死者家爲誣在理十五
年研平反之徒計度轉運使屬州故有鐵纜錢爲民病
研曰今無用鐵纜而折直未除何也悉去之遷起居郎

卒研通經學詩書易禮皆有解

舊志參
闕書

陳樸字端行晉江人知柔姪乾道五年進士爲江西運司
主管文字以薦入提轄左藏大理寺正知漳州擢浮贊
五萬爲民代輸身丁提舉湖北常平召除倉部以左司

郎官接伴金使舟行大江中流風暴作金使駭汗樸笑
傲自若曰此天之所以限南北者守疆息民順天則天
福之江有神不可欺也使悚然擢太常卿除知廣州兼
廣東安撫革弊例帑羨溢受代儲錢數十萬上于朝子
亞卿終知廉州直卿知英德府弟機模

舊志參
閩書

方烜字成章惠安人幼聰慧治周易兼長辭賦兩薦鄉書
登乾道五年進士分教臨賀撤學舍而新之立規約月
書季考一如閩中隣寇發將及境守倅以下無策亟召
烜烜至部健卒出城南登高望寇所在以示武旌旗蔽

天賊果宵遁秩滿歸視邑庠隘陋率士子請蔡令易遷
於登科之陽赴調再分教建寧未上卒

舊志參
閩書

鍾元鼎字和卿晉江人乾道五年進士知鄞縣政尙愷悌
恥以操切爲能賦輸不時臺府諒之終通判福州弟元

震見選舉志

舊志

會秘字泰之同安人與朱文公友善乾道五年進士薦授
國子監丞知惠州時盜賊蜂起道路不通秘捐俸繕亭
驛增冷泉叱馭秀麗等庵設兵防守以便行者後知漳

州惠民遮留終朝奉大夫卒

舊志參
同安志

趙伯達字致遠太祖七世孫居晉江乾道五年進士知瑞
金縣以大臣薦知南恩州下車蠲積逋爲繕錢萬乞減
額丁米寬民力改德慶府立貢闈脩郡庠提點廣西刑
獄移廣東轉運知漳州蠲鹽宿負以羨錢造浮梁便
行者知西外宗正寺卒

舊志

許衍字平子同安人慷慨喜言事隆興二年以太學生伏
闕上書士論應之乾道八年上舍登第嘗進本論二十
篇言四民利害及上供銀攬戶之弊朱子與書謂其仁
人之心未嘗忘天下之憂條究汙漳泉經界甚悉通判

建寧府未赴卒子伯詡以陰入官知僊遊縣終福州府

通判

閩書叅攷
正書稿

盧應時字泰夫惠安人瞻孫乾道八年以特恩除廸功郎
淳熙七年授寧德縣簿裁決疑獄民服其神時有爭牛

者令不能決以屬應時挾姦者知不能欺卽歸其牛應

時少好學能文時以文學政事兼長稱之

舊志叅閩書
寧德縣志明

一統
志

林宗臣字景何晉江人乾道八年武舉第一歷美陽機宜

權闈門舍人輪對言泉漳汀三州經界不行之弊憤激

深切意有所指朱文公亟稱之出知欽州修葺邊備甚

悉卒于官

善志

宋循績三

趙棕

王保隆

趙師璫

李綸

莊柟

儲用

陳震

王克恭

林谷

儲擢

曾翼孫

黃夔

朱循績

身州府志
趙善謚

善謚

薛舜俞

薛舜庸

楊士謩

係中

諸葛直清

傅壅

連三益

錢德謙

廖叔政

傅烈

留恭

留頌

吳子斌

梁克俊

趙惺字彥忠及待制思誠守泉固居晉江與朱文公友善

爲福建運使以鹽法病免請恤嘗戶爲東嶺廣符監二

百萬勦犯法者息知惠州覈積年吏弊得米七千斛錢
五萬緡入于公斥其餘以惠民歷提舉常平卒于官子

誼好學能文聚書萬卷終知富陽縣說守南恩州

舊志

王保隆晉江人以大理評事知莆田縣於鳳凰山下開永

豐塘民獲其利

舊志

趙師璣字德玉太祖八世孫居晉江淳熙二年進士知古

田縣通判汀州上杭峒曾結連他峒叛尅日齊發師璣
廉知伏卒峒口俟其出一戰擒其酋郡賴以安民感而

祀之知德慶府卒

舊志

李綸字世美晉江人邴第四子以父任仕官所至有清操
淳熙初提舉廣東常平日適其兄維出守恩平酌于江
濱弟兄相勵以清白傳家之語綸慷慨言曰倘負吾民
有如此水遂投杯於江時江流洶洶杯停不沒者久之
觀者無不驚嘆民歌之曰石門之水清且清晉吏一軟
千古榮爭如李公投杯盟江流洶湧杯停停至今刻石

與吳隱之酌貪泉詩並存

舊志參廣
東通志

莊柵字子脩晉江人以父方任補官荆湖制帥趙方舉之
辟信陽判官攝守事北兵圍城與戰破之改羅山合建

言遷治霸山之便朝議是之仍依萬弩關築山砦北兵
至阨關擊之擒其木牌即君通判江陵海櫃久廢率令
脩復之築櫃八隘口十三又增三海益兵守隘以時停
泄知峽州終江東叅議官

舊志

儲用字行之晉江人淳熙十一年進士知建陽縣有惠政
朱文公亟稱之會黨禁起罷去後再道縣民擁車呼曰
此好長官我輩共思之擇守光化移襄陽鄧民焚快明
率衆來附制司約回時剿之用爭于朝謂剿不勝則吾
代敵受禍勝則吾代敵受怨他日豪傑謂吾戮已降更

以仇我則吾代敵受仇復貽書制閩力言之制臣大志
竟以是罷歸時海寇犯泉境與泉守真德秀協謀捕其
首趙郎餘黨遁去後直文華閣知廣州未上卒子擢知

雷州

著志

陳震字省仲晉江人淳熙十四年進士知饒寧縣歲旱賑
飢捐俸爲倡再令新建適更新楮以帑積舊券代下戶
輸租通判饒州知韶州攝憲節卻臺府劄券數千緡召
除軍器監丞遷大府丞奏乞減二廣丁錢繕邊郡城堡
填諸州軍籍奉祠歸里卒有春秋解史編雜著數十卷

志

王克恭字彥禮南安人淳熙十四年進士教授循州迪以
禮義講授不倦知寧德縣興學愛民政績丕著以最聞
通判廣州海寇掠境盛夏力疾督師擒其酋以徇辟知
新州奏減丁米民德之累遷度支駕部郎中奉祠歸起
知興化郡汀邵寇作議築城捐不濟院錢數萬緡相其
後屬邑點集民兵措置乖方幾激變縣其胥諭平之在
郡六月卒子道翁以國子生知海陽縣

舊志
卷之四
寧德縣志

林谷字聲之號介菴先福州閩縣人徙居晉江淳熙十四

年進士知上虞縣通判嚴州以倪思薦召審察時權臣柄國有欲媚之者挽谷輸金爲壽谷嘆曰書生攻苦焉有以奉權貴若然但以審察餌我耳遂註潮州通判歸居官善審讞或疑其以術鉤致谷笑曰吾何術臨事心無私繫而已人以爲名言子顯奉議郎知寧化縣

舊志

儲擢晉江人廣州守用子淳熙間守雷州築城垣脩志乘興社學遊民俊而教誨之郡治煥然改觀文風漸振

廣東

志

曾賀孫

通志賀

字景卿晉江人淳熙中爲懷安簿方弱冠

薦知崇安縣下車首蠲合戶錢歲二百萬已罹水災募
舟濟溺煮粥哺飢便宜發廩出貸自輟俸錢償之朝廷
遣使巡行民遮道言狀使者爲上其勞竟以勤民得疾

卒

書志

黃夔字一之以蔭補官歷知貴鬱林宜等七州所至以廉
惠稱宜溪蠻偕卒爲暴部刺史辟爲守至郡殲其酋諸
峒爭納欵事聞遷三秩五嶺瘴惡仕者計日待還夔往
來三十年家人皆無恙郡守黃林表其里曰慶遠

書志

趙善謐字寧甫居晉江太宗六世孫淳熙進士知仁和縣

治辦有能聲除軍器監簿有厄之者改提轄權貨務以

言者得祠卒弟善謚

廣東通志作善謚

字安之以文稱與善謚

俱省試第一守典宗表其居曰襲魁嘉泰中知循州勤

恤民隱茅居者悉瓦之病涉者爲之成梁興利除害靡

不殫心改知永州治行亦可紀卒于官循州民爲立祠

舊志參廣東通志

明一統志惠大記

薛舜俞字欽父同安人紹熙元年進士教授南劍州未上

三府交薦差江西漕司幹官堂審除吏部架閣以言者

罷後起江東常平幹官與其長李道傳賑荒多所全活

改知全華縣守督糧道奇峻舜俞引證力爭寬期示信
民悉樂輸罷歸卒舜俞問學淹貫議論磊落挾負才氣
仕數齟齬里居教授門人多通顯著有文集及易抄詩

書指三百餘卷弟舜庸

舊志閩書參
道南源委

薛舜庸字惠父同安人舜俞弟紹熙四年進士調龍溪尉
改分寧丞嘉定閒知古田縣民間牛死例輸錢于官舜
庸嘆曰民不幸喪牛又責入錢是重困也立命除之增

廩餼建閣藏書以惠生徒通判興化軍未上卒

舊志

楊士謩字伯達晉江人紹熙四年進士爲寧德丞廉勤有

爲民懷其惠令貪虐繆巧恆媚忌之及令被劾去民遮道戟罵留其裝士謫衛之出境人稱其厚德遷知長溪縣以廉簡稱尉少年盛氣有不懌輒捶縣吏旣而謝遇士謫曰長溪尉治長溪吏何謝爲曉知連州未赴卒子保中字和卿嘉定元年一甲進士爲文典贍析理尤長寶慶初下詔求賢大臣多舉以應詔知長汀縣卒楊炳誌士謫墓曰欲知其廉視其居欲知其志視其仕欲知其法視其子

舊志
閩書

諸葛直清字子嚴南安人廷璫子以父任歷海口鎮主管

南外睦宗院知海陽縣潮多水患諭衆築堤以捍田利
周十保民名其田曰諸葛田通判廣州奉祠凡十二任
終奉直大夫知臨安府事封開國男食南安縣三百戶
子珏琰珽爲番禺令始創黌宮歷官韶州通判爲陳北

溪門人刻北溪大學中庸衍義

舊志參閱書
李遜齋述志

傅璽字仲珍晉江人伯成子慶元二年進士知崇安縣聽
訟得情吏不能欺以鹽息錢糴粟爲均惠倉買田以增
學廩築舊堤以防水患立義塚以葬露骨邑人爲立祠
以諫最召累遷大理丞歷陽倅葉禾爲彙商註繫大理

獄具稱冤壘審覈得實卿以下患之臺劾俱罷旋以獄
真知南劍州改漳州先是伯壽伯成相繼守漳壘治如
其父邦人安之徙撫州丐祠端平初以都官郎召未至

卒

舊志參
閩書

連三益字叔友安溪人傅伯成奇之妻以女登慶元二年
進士知沙縣爲政明簡庭無留訟及去民遮留千數倅
廣州受訓於伯成盡却餽例人服其清再倅紹興未上

卒子端懋知建寧縣

舊志參
閩書

錢德謙字牧仲南安人熙從孫慶元二年進士知無錫縣

載素者以法號強項介鹿罷復知華亭益有聲擢諸司
料院仇者疏之復罷召爲秘書郎遷崇政殿說書內艱
去晚除秘書監兼侍講知建寧府卒贈朝議大夫

舊志
參閱

書

廖叔政晉江人慶元二年武舉歷上林興寧令瓊管寇作
帥命督捕輒以捷報復剿古縣徭寇臺闔上其功辟守
吉陽改高州就除邕管逾歲以祠歸里里有海寇之警
與寓公儲襄募集民船掩獲其會都守真德秀薦守金

州命未下卒

聞

傳烈字承仲晉江人以易學名家他經諸史皆淹貫授徒
戶屢常滿慶元五年第進士試中教官科歷南劍惠州
教授講經課文矩矱整飭改知保昌縣通判循州憫鹽
鈔抑配屬邑之擾招誘商筏平直售之不取贏潤民懷
其惠知梅州未上卒烈事親孝恬於榮利當世稱之子

天驥移居南安

舊志
卷八
開書

留恭字伯禮晉江人正長子嘉泰中通判廣州秩滿民疏
其惠費二十事請留部使者薦知南康軍其政以朱文
公爲法提舉浙西當平境內大飢悉力賑卹全活三十

六萬六千餘人知紹興府蠲租省役罷遊宴絕餽遺杜
請謁號稱循吏改知廣州獠寇竊發捕降其豪酋平四
十四峒以直徽閣奉祠起知建寧府卒贈秘閣脩撰子

元剛

舊志閩書象
廣東通志

留碩字季膺晉江人正季子歷全廣南劍州通判知南恩
州言廣南州郡兵弱乞刺填軍額以備不虞理官縣尉
乞覈官簿不授註耄繆者知岳州講荒政閣租稅民便
之爲大理寺丞請立武舉解額試于諸路帥府中試于
兵部事雖不行論者是之知會昌軍卒子元長元亮

舊志

吳子斌字伯全同安人少遊上庠有文名嘉泰二年進士
知南豐縣有惠政秩滿民詣臺借留者千計通判肇慶

府卒于官

舊志

梁克俊字叔明晉江人嘉泰初知循州積帑數千脩城葺
學循人多其功祠之縣治

舊志參屬東通志

宋循績四

曾治鳳

顏楠

留元剛

劉用行

莊壬

黃學行

趙汝休

陳洪

許巨川

莊夢說

董洪

趙時煥

鄒至果

留元英

蔡次僞

曾用虎

傅康

王沂之

魏必昌

王序

洪天驥

留元亮

留元圭

諸葛琰

宋循績

邱雙薦

許伯詡

陳景魏

李滌

周鐘

林介卿

劉叔智

曾治鳳字晉江人從龍季弟開禧元年進士歷官廣

東提刑以從作監知袁州復直煥章閣帥廣東性簡檢

愛惜公帑毫不妄費寇警循惠閒郡請兵捕逸不從決

計輸降之端平二年進直徽猷閣改知建寧書成卒挺

皇朝廣雅時已解印引管名罷奉祠數年卒

顏權字子養

廣東通志永春志俱作字養正

由永春徙晉江開禧元年進

士授藤州教授擢會昌令調南康繼調南海惠以威濟

寇盜斂跡考最擢循州通判歷知梅州贛寇陳三槍萬

衆逼城四十二日櫛激厲將士分關拒守又合蛋船布

水陣攢矢射之賊遁去帥上其功會病卒

舊志參閩書永春舊志廣

東通志南海縣志

留元剛字茂潛晉江人恭子博聞彊記爲文奇峭開禧二

年試博學宏詞科與真德秀金置異等除國子錄嘉定

初遷秘閣校理累遷直學士院每遷軍器少監權起居

舍人剛言國朝左右史立御座後今廼立殿之東乞
復侍立脩明舊法以內艱去起知溫州勤恤民隱百廢
皆脩發奸摘伏人服其精敏移知贛州罷歸卒元剛蚤
負盛名見嘉定更化以後大臣寢謀固位慨然有振刷
斯世之志嘗言今日有貧國貧民而無貧士大夫以大
用自擬已廼鬱鬱不樂築園北山號雲麓吟適其閒著

有雲麓集

舊志系
圖書

劉用行字聖與南安人自言七世孫嘉定元年進士爲零
陵令以嚴稱後知巴陵遷與之召歸用行上謁崔迎問

曰昔爲零陵令有聲非公耶魏了翁疑吳陽元像吏勿
謂見用行扁舟請之與語竟夕通判道州蠻人內地軍
車臨城諭使自新蠻感泣去除知桂陽軍召爲太常博
士出知潮州創城壘遷貢闈士民便之詳刑使者貪暴
盛夏馳卒逮平民用行命左右掩卒得其贓釋民械卒
引章自劾使者削秩用行亦坐貶知贛州刷前蠹聲華
煒然終于郡用行質貌脩偉遇事有執詩文典麗有北

山漫游十卷雜稿二十卷

荊志參閱
香南安志

莊壬字子中惠安人工詩嘉定元年登第尉永嘉鹽寇掠

身... 卷之四... 三
境憲司符夜至壬不待白郡丞發卒偕巡檢率寨兵俘
盜數輩上謁守楊簡怒其擅命欲行軍法建彞會僚屬
立壬與巡檢轟下巡檢懼拜祈免壬屹立不動通守以
下爲請曰尉權以濟事可旌也何誅爲簡意解乃釋衆
強壬拜謝竟不拜拂衣去諸臺壯其節交章薦之終海

豐令

舊志系
開書

黃學行字上甫惠安人嘉定元年進士教授全州嘗集歷
代褒崇先聖故實冠服爲尊師始末上之詔
頒太學通判建寧府知福州新冠建德梓山家龍招捕

使合兵破之奔逸嶺外學行激厲吏卒追擒其酋以獻
遷秩因乞增州兵從州節制年六十一卒著有史說坦

齋類稿

舊志

趙汝侑字臺卿晉江人太宗八世孫先以父任遜其季季
尋天復與其兄子侑登嘉定四年進士端平初除知鬱
林州陞對言國家頻年多厄乞謹德脩政以弭災召和
時謂得宗臣進言體將行改詔州以平易爲治卒于官
汝侑爲人清曠託僧廬以居子麟彪龍俱見選舉舊志
陳洪字禹範南安人由太學登嘉定七年進士教授新州

轉致中州書數千卷以誨學者知莆田縣有惠政通判
建寧攝府事兵燹之後痛加撙節郡計以裕真德秀薦
其謹厚可用晚閒居號淡軒弟浩嘉定十三年進士連
城令有文行

舊志

許巨川字揚甫同安人學得伊洛之傳嘉定七年進士歷
廣州建康教授篤意訓誨成就甚衆士祠之學改秩知
東莞縣捐橐金新學宮給沒官田一頃八十三畝歸學
贖士備錢十萬爲異日脩治費邑務雖繁常與諸生講
解至其撙摩軫切催科數負腹中書劉克莊時爲計使

閱其斷訟以爲仁明兼惠民亦建祠祀焉主管治局

辟守廬州卒

舊志森閣書
廣東通志

莊夢說晉江人嘉定七年以廸功郎任德慶尉下車究心

職業年餘吏民畏服田里帖然歷官大理寺

舊志

董洪字穎實晉江人嘉定十三年進士第二人爲太學錄

遷博士丐外遷判南劍就知郡事嚴身奉法勤撫凋弊

蠲役錢苗米以萬計創峽陽濟糴二倉以待歉歲更築

延平書院於遠塢士民德之

舊志

趙時煥字元晦魏王九世孫居晉江幼有俊譽嘉定十二

年進士授侯官尉有亂聲再調長溪姦惡悉奔他境號
神明尉辟湖湘帥幕官一夕訛傳北兵至官民洶洶欲
潰時煥治文書自如留同幕飲人心以安累遷太常寺
簿輸對首崇公道次極君子小人之狀改禮部郎疏攻
史嵩之爲其黨所忌淳祐八年以朝散郎出知撫州時
馬旗步旗軍素悍小不懽輒呼噪時煥準省劄節制之
有一卒刺人于會義而戮于市訖代者無敢譁者增置
貢院修棧文書增置館三年以朝奉大夫提舉江西常
平義倉兼總司命下軍民相慶時煥以臨川新經畫境

山稅病民奏減其半除廣東運判草潮州重稅戒飭汗

吏聞者悚息卒于官

舊志參宋史
閩書西江志

鄭至果字子剛晉江人嘉定十六年進士授福清尉丁內

艱有芝產于墳調永福丞連帥聞能治劇檄攝歸與永

福令二邑皆治改建昌令既視事曰官民不相信何以

爲治盡刷前令預借之數給鈔還民民始信服脩學宮

造輿梁時有蛤患至果至官遂息且產瑞麥民生祠之

改知梅州州屢易官百凡廢墜至果閱寶脩舉百廢俱

興醜寇出沒郡境戒嚴擒其克渠梟之境賴以安

舊志
參廣

東通志

留元英晉江人鑑之子嘉定中進士理宗朝爲監察御史
疏論試邑兩經罷黜者毋得再補縣攝州郡事過取專
例飭監司按劾以聞又聞諸州軍僚屬私役禁軍及閩
廣州縣於常賦外敷鹽擾民乞申嚴法禁皆從之遷工
部侍郎終寶章閣待制

舊志

蔡次傅字高肖晉江人息姪寶慶中任漳州司戶叅軍爲
郡守危守積所器嘗餉之私錢不受以建公廳淳祐元
年以宣教郎知仙遊縣審爲政先後首興學校作士氣

增學廣勸農桑民深懷之秩滿除登聞鼓院兼大小王

宮教諭尋除監察御史太常少卿

舊志參閱書

晉用虎字君過晉江人從龍之弟弱冠工文辭累舉不第以兄任知寧海縣改允溪通判福州歷知興化軍創城堤及脩太平廢陂民蒙其利號曾公陂期年蠲夏租代編戶驗儼直弛舍餘三萬緡設平糶倉備凶歲鋤盜必窮蹊隧豪右屏息居三年大治陳韓帥江右請自代除府事改江西提刑時叛兵甫平支黨反側或勸以閒道兼程趨治所用虎曰不可吾待以不疑則彼信服矣攜

學徐進疑者帖息既抵任悉力揣摩江右途安遷轉運
判官召爲吏部郎中改工部以華文閣帥廣西至鎮數
月罷未幾卒

舊志

傅康字仲孚晉江人伯成子少受學於孟父伯壽爲文典
贈以父任知古田縣時方少年吏事明敏猾胥匿簿書

賦入日少康籍其家出所匿按覈得實邑計以饒召爲

司農丞知汀州時兄壅守漳父伯成往來就養鄉人榮

美徙南劍創祠祀周程諸賢籍廢寺田入書院贖生徒

發奸摘伏吏不敢欺端平中累遷司農少卿兼右司諫

熟習典章帝在材之督府執重權多難從之請引義拒

却朝倚爲重晚知袁州直徽猷閣致仕

舊志刻
開書

王沂之字春伯晉江人以闕蔭歷官知新州有惠政將去

民遮留累日帥瓊堯却例册畿督民租卒于官以曾祖

兼嘗立義齋延師儒誨學者厥後寢廢遺命于起震成

之齋闕于家之南捐田三百畝爲師束脩且餽親而貧

疎而賢者直德秀守泉善之爲定規條表其間曰王氏

義塾云姪南一紹定開擢兩科以太學博士判漳州能

文章

舊志
廣東
開書

魏必昌字世復晉江人初尉懷安年尙少有豪家訟田久
不決必屈折以禮法兩豪皆服後興化錄事廉直自守
無敢于以私有新貴人挾中官勢羅織仇吏囑必昌獄
箠之且脅以危言竟不爲動吏得免劉克莊贈以詩曰
守法仁人勇防身處女嚴

舊志

王序字景瞻晉江人少與兄庚齊名淳祐七年進士授尤
溪尉歷知長泰縣精脩自勵方正不阿時郡僉幕預徵
太體頌及打暹田土吏議甚峻序自郡守力爭之守文
翁愈加敬任後遷守惠州潮江無城海寇驅縵序浚境

數團保伍郡縣以卓得代航海而歸采亡徜徉邱壑以

終身焉

舊志系
閩書

洪天驥字逸仲天錫弟晉江人淳祐七年進士少有異質
貫通經史嘗割股愈祖母疾初尉建寧時海盜王若曾
嘯聚千餘騷動郡邑諸所委捕多畏沮天驥直搗賊巢
一舉平之邑有三大奸黨以次就縛折獄平允一言而
定久隙之民歷知香山縣以文儒課士捐俸興學行政
尚寬裁之以義邑多豪猾廉其尤桀黠者麗之法政聲
為諸邑最上官交薦其才擢大理寺丞知潮州祀名宦

閩書叅廣東通

志建寧縣志

留元亮晉江人碩子淳祐閒以宣教郎知古田縣存仁政

嘗祠先賢創義塚置貢士莊

閩書

留元圭字粹中晉江人鑑之子以蔭授承奉郎篇使金元圭時典箋奏禮文悉所裁定主晉南外睦宗院知建安縣獄有重辟久不決一閱即得其情均徭省訟治績爲

諸縣最卒于官

舊志叅閩書

諸葛葵南安人廷瑞孫直清子以任子累官都武軍光澤尉開寇奔兵山谷則郡縣勦後提步兵轉戰不旬日授

首真德秀上其事于朝進階儒林郎終信州僉書判官
玟聰邁豪放有學術居官清貧家居與白玉瞻相善玟
贈之詩有指點篇書說向誰武侯之後獨公奇許夢却
大堯天小巖瀨應高漢塵卑之句宋少主南下玟之羣
季倡義死蒲壽庚之難獨玟知宋鵬不再率其子隱武
夷山中得免後移居城西古榕今所傳皆玟派也

閩書
參諸

葛氏
家譜

邱雙薦晉江人景定中爲古田令公謹廉已嚴於御吏古

田自留元亮置貢士莊雙薦捐俸益之

閩書

許伯詡字子揚同安人以父衍蔭官嘉定九年轉承事郎

知仙遊縣政多惠愛有便民錄數十條終福州通判

閩書

陳景魏晉江人知柔從孫以知恩補信州鉛山簿歷監贛

州會昌令石城寇竊發景魏請乘機掩捕郡守然其計

破賊寨擒其酋餘黨悉平辟廣州新會丞改知潮陽縣

縣歲輸丁銀至郡例增耗曰錠頭錢景魏曰此小民無

窮之害亟裁去及解郡守謂不如例盡械邑吏景魏曰

令裁之當罪令守亟釋吏尋歷提轄文思院改知惠州

郡有疑獄久弗決景魏諭出之重正胥魁之罪惠經兵

燈痛自樽節起學宮官廨仍以餘力葺白鶴故居合江樓六如亭歲大飢上言民瘼未瘳乞減惠民糴米三之一改知韶州卒于英德洪天錫狀其行謂其少不侶老

不情病不昏化不怛信善人云

舊志參閱書
廣東通志

牟濂字叔清晉江人咸淳二年知潮州除盜去奸加意脩

學問

書

周鐘字君與晉江人咸淳七年進士授南劍州判官安靜為政志存愛民百姓頌之卒于官及歸葬行道之人皆

為流涕

舊志

林介卿晉江人登咸淳十年進士尉漳浦遷羅源令有惠
政民愛之如父母邑多巨族前令多徇請託介卿不爲
撓自是細民不爲豪右所漁再調龍巖時巨寇出汲介
卿脩西寨募民儲穀時加訓練號令嚴明寇不敢犯饋
朱文公諭俗榜以教民旌孝門錄死事有古循吏風卒

于官

舊志參羅
源縣志

劉叔智晉江人咸淳十年進士授金華尉改廣州錄參府
紳年壯氣盛僚吏莫敢可否叔智據理救正甚多真德
秀守長叔智白建興城後知閩縣士民頌之遷判吉州

韓河江萬里力薦之以主管管各院輪對言天下大勢
與嘗時急務詞意懇切有勸使謁鄭清之者謝不往及
清之再相坐萬里黨劾罷遂杜門不出

善志叅
關書

元循績

趙甫稱

王應祚

諸葛晉

楊相孫

陳希良

趙甫稱字盛卿宋宗室子也領鄉薦除知軍遠廉介有守
愛民禮士人稱政教父母任滿改新城以母老表辭歸

侍得旨改福州之閩清後母喪服闋稱疾不仕

舊志

王應祚字舜卿晉江人泰定閒令邵武縣廉溫直諒文而有材新縣治葺學宮恆以陳古靈令仙居者教民繼知旌德縣歲輸米萬四千二百石有奇於郡陟危降深負攜數百里民有困是死亡者與史曹彌昌灼民苦爲之折直入鈔應祚立爲額請撫按具題改折再閱歲得請

還報民困以

題書參陳仲文集

諸葛晉字仲昭晉江人以明經授福建行中書省檢校兵興省撥分治九溪縣鍾艾豪強有廉能稱境賴保

有朱子鍾秀舊址後爲南溪書院年久沒入豪家晉訪
復之豪家利僧田一言追出以半還僧以半充書院贍士
訟堯以息文教曰興是歲書院池中產瑞蓮二芝草五
明英不應徵辟坐前代故官謫徙穎上卒於穎年七十

六子珪

舊志泰閩六音
桐月山房稱

楊相孫字敬在其先本董姓餘杭人至祖君選爲元從事
郎潮陽縣尹幼孤從母鞠於楊從楊姓居泉遂爲晉江
人父伯淵爲泉州蒙古字學正相孫以諸生爲泉庠直
學再補石井書院能公出納斥貪鄙以嚴正自持陞仙

遊教諭復學田之侵牟者若干畝攝縣事明邑民因爭
殺女之誣察甲弟改嫂墮胎之妄轉長秦教諭朔望講
義詩乎身心之學選莆田學正陳叅政陳文龍死事請
旌于朝錄劉後村文集俾傳于世及考行省便宜授建
寧路教未上舉攝德化縣時邑在盜躬造其巢諭降之
授漳州教授郡再被兵學廟莽爲儲胥禮樂之器掠賣
于市屢以老請退不允請於大將移兵他所亟補弊宜
缺稍復舊規而粟入在額外者亦實其數于籍卒于官
年七十相孫自童年已有文與最遊卽葬之門盡去凡

近爲志理學戶屢常滿爲文平實古雅務以理勝不事
藻華天性孝謹質諒父疾籲天減年割股投粥卒哀毀
逾禮負土營葬廬墓三年母喪如父與人交久近窮通
無易心念祖成立於楊恩不可忘而楊無後願加董於
楊之上俾二祀不絕上郡府以干憲部不行每時祭禮
必均焉所著有文集若干卷

節林登
淵集

陳希良晉江人世襲泉州衛長際昇平日與縉紳論文賦
詩講求治體會盜起屢策靖亂功陞漳州新軍萬戶行
省以其明於政理檄攝漳守薦改文職授廣東宣慰副

使未上復留守漳郡府副分墮黠民或怙勢凌上抑治
不少貨事有當言白上官叅伍情法不以威讐利怵隣
郡寇橫承命率師討之請曰橫者一二耳餘皆善良願
無多殺以禍非辜濱危不懼凱捷無驕既再臨郡民信
愈篤吏服愈誠科徵調發急應非常賴維持得免病苦
既去百姓遮道齎咨涕洟若慕父母屯兵亂攻漳城旣
敗而逸行省謂希良素信漳民遺諭其黨於海上降之
民無餘禍漳紳士爲詩頌德景快盈箱諾夫恩

採林登
洲遺集

泉州府志卷之四十七

循績

明循績一

莊濟翁

張昭

留潛夫

陳章應

張度

黃維清

史福

黃永

莊謙才

鄭懋中

黃廣

蔡惟溥

蔣疇

陳安

陳道曾

徐陟

馮毅

張忠

莊琛

趙應

莊濟翁晉江人洪武初以人才舉知寧都縣勸農興學朔

望畢召諸生講解雖閭巷小學亦令悉赴邑庠聽講遠

近聞風而化徵蒙猾均賦役脩陂堰造梅川橋秋滿陞

員外郎去民感其惠爲建思莊樓

舊志參明一統志
西江志寧都志

張昭晉江人洪武初以監生知遂溪縣庶務脩舉民物阜

安脩學校築陂塘教養兼舉既去而民思之

舊志

留潛夫字文明晉江人宋忠宣公正裔孫也洪武庚戌舉明經科授揭陽知縣刻獎蘇察興學課士餘俸以佐公費不入私橐丁艱歸士民思之曾孫志淑

開書

陳章應字敏達號寓齋晉江人信惠子洪武庚戌辛亥聯第進士明泉登第自章應與何德舉始章應授榆次繁峙安邱三縣丞莅官勤敏廉慎常祿外不染絲毫吏才清節郡邑稱最太祖疑其丞三縣必有貲捕錄其篋無一錢第得章應母書言鬻田產以給官次遂命陞禮部

主事洪武十八年命錄百官善蹟著聞者揭于其鄉之
旌善亭以示激勸章應特被旌榜卒祀鄉賢孫道曾至
萬歷閒裔孫陳瑛爲建旌廉坊于鐵燼廟左

舊志卷青
州府志陳

氏
傳

張度字孟欽晉江人洪武中以秀才薦讀書國學授錦衣
衛都事永樂初陞監察御史正色臺端巡歷江左交南
肅察貞度人稱其得憲體度初名佛保及自交南復命
成祖嘉獎爲改今名疏乞省侍旋歸朝超陞江西按察
使未任卒從子惠

舊志卷
閩書

黃維清字源潔晉江人洪武甲子解元乙丑進士時年方
弱冠歷職郎署以才諳聞陞九江知府特賜勅以往九
江士瘠民漓號稱難治維清廉勤平恕漸著治績卒于
官遂家焉

舊志

史福字德有晉江人繇鄉貢歷事刑部有能名洪武二十
二年遣諭天下武臣比還奏對稱旨遂授兵科給事中
奉勅視鳳陽山陵竣事入朝復有言太祖嘉納之擢四
川按察使方覲遇疾連歲乃瘳及入京師吏部欲置之
法太祖知其才降松陽令松陽民暴而好爭福至痛繩

以法召見父老問政所急有所罷行民咸安之政滿以
最聞懇歸養永樂甲申復起授河池令未上官時縣幕
長凌暴其民民相踵竄匿山谷間幕長權以民叛白府
聞于藩閫韓公觀觀卽發兵捕之兵入境福適至民知
其爲新令也奔走來訴福馳告觀曰民實不反官急租
賦聊走避耳觀驚愕曰不得君言生靈幾禍遂命返兵
未幾丁艱服除赴京時車駕方北巡福以才能被選扈
行在頃補滄之慶雲令尋卒于京師子鍵雷州府同知

黃采由永春徙居晉江少爲諸生洪武中以事被逮至京
發戶部充吏因典簿習習法律尙書試而奇之用人材
薦授本部主事陞員外出守寧波節冗清獄鋤盜安民
考最調守湖州屬歲飢設法賑貸脩築水利豐年倍入
後調廣信清操不渝致仕歸僅營一宅曾孫綬元孫光

昇裔孫喬棟琰

舊志參
永春志

莊謙才字宗美晉江人洪武丙子應天舉人丁丑聯第進
士授行人陞刑部主事歷郎中凡讞獄未平者悉取正
焉永樂丙戌擢山西參議賑勞置理寬獄黜冗秩錫豪

梗作興士類晉人稱爲莊夫子已丑董工北京屢著成
績廬陵曾棨曰作息有常勸懲有法宜同官皆推遜也
庚子獻最太原父老萬餘人攀轅歌之曰鳳凰鳴兮高
岡梧桐生兮朝陽光風兮蘭佩士君子兮周行辛丑改
湖廣參議時建都需材轉運絡繹謙才每二十里置安
樂所設粥具藥以濟不給人賴以甦洪熙初以老告歸
賦詩見志曰解組歸來七十幾眼中青髮故人稀親朋
若問當年事臺閣曾看對紫薇自號桃源主人所著有

桃源集若干卷

歸德府人

鄭懋中名蔚以字行晉江人由太學生領洪武丙子應天

鄉薦建文中知程鄉寬恕廉慎有猾吏爲民害首按之

訟者委曲開諭令其感悟不施鞭朴詞訟日銷民頌之

曰禁令不煩徭役寡昔無羊今有馬初縣民鮮知學懋

中至作新規條親爲生徒講解自是始有登第者嶺南

吏治以懋中爲最與瓊州守王伯貞齊名一日感疾戒

其子具湯沐召吏章華等謂之曰凡茲吾民爾善視之

毋傷吾意言畢正衣冠端坐而逝民哀慕之昇喪歸葬

立像於漢令會芳之祠合祀焉

舊志參廣東通志

黃廣字文溥同安人建文壬午以貢入太學永樂閒歷知
德慶州署肇慶府事興學校均徭賦招逃亡減鹽鈔民
賴其惠雖強梗猛人亦聽撫復延名儒脩郡志上官嘉
獎士民祀之名宦家居爲本邑奏除荒田歲賦五百餘

石鄉人德馬沒祀鄉賢

聞善黎廣東通志德慶州志

蔡惟溥晉江人永樂駘耒甲申聯捷進士授香山令性沉
重喜怒不形撫集流民百廢具興邑有豪惡號三虎悉
捕誅之閭里以安擢知欽州興教鋤強勸於撫字一州

稱治

聞善黎廣東通志

蕭時字嗣昭南安人早喪父家貧力學授徒自給郡守胡
郡試其文大奇之○入邑庠永樂乙酉舉人壬辰進士
任監察御史貞度肅僚凜有風采所按部倉墨吏先據
家而去其審覆多所平反丁母憂卒于家

舊志

陳安字克威晉江人宋俊卿之後永樂辛卯舉人乙未進
士榜姓林復本姓授工部營繕司主事以才行聞陞衛
州知府爲政清簡屬歲飢安不待報開倉賑恤衛有虎
食人移檄城隍驅羣虎至其食人者備首安前命杖殺
之而放逐其餘尋丁徭艱服闋陟重慶後患足疾艱苦

遍留之扶曳而治者幾二載竟以老疾歸卒年八十
泉中稱一時士大夫朱鐸長於文章而安長於政事孫

初元孫詔

舊志參開書
雍正殘稿

陳道曾字端誠晉江人章應孫性貧朴茂邃於易旁及諸

經子史有文名操行卓然不苟狎流俗永樂丁酉戊戌

聯成進士遷庶吉士自陳願棄學職授吳縣教諭陞瑞

州府教授持已以正教人多術不爐不屬有古人風

無爲州學正教如神左右爲湖廣浙江山西方官俱以

公明稱卒于官所著有皇下集詩書等書

舊志

閩書

徐陟字升高晉江人永樂庚子第二名舉人授興寧令山
邑劇陋節省區畫正身率物潔已愛人政平而訟理俗
更而化成莅任四載一錢不入官署民有樂只之歌方
報最遽以疾卒于官殯殮無資邑人醵金襄其事

節趙德用

撰志

馮穀安溪崇信里人永樂庚子舉於鄉任信宜知縣民有
兄弟訟田者諭之曰兄弟手足也田地衣食也戕手足
而得衣食於汝安乎遂相讓而退莅任三年民俗丕變

以善政稱居鄉有爭地者來獻論之曰爾與人爭我受爾地是我爭之也不可其人慝然而退閭里亦感化又

脩砌石道十里行人德之

安溪志

張忠晉江人永樂二十年由太學生擢監察御史有能聲

陞廣東按察司僉事累平賊寇以靖地方致仕卒

前明一統

志

莊琛字廷璽晉江人宋少師夏之後研精經傳子史尤工

四體書永樂甲辰入貢成均祭酒陳敬宗以琛筆法迥

勁乘傳簡進中書繕寫誥勅正統己未授官大理寺石

評事奉命賑邊道經武邑邑令長博士乞書夫子廟額
以絲縑白金致謝琛却不受廷臣及翰林學士長洲劉
鈇諸先正聞之皆嘆曰莊大理當愛不受所不當受寧
受之耶擢廣西按察僉事矜恕廉謹上下咸宜景泰癸
酉詣闕行慶賀禮事竣乞歸卒琛生平篤孝遇二親諱
洎已生辰悲泣終日或有珍味潛然不御曰昔者吾親
未嘗享此琛翰墨精妙獨步一時正統中京師碑碣大
文多出其手館閣諸公皆遜謝不及子楷槩

閩書

趙應字孟敷晉江人弱冠爲邑諸生以註誤謫爲吏宣德

開授南昌典史當道薦擢浮梁知縣拊教善良痛懲狡
猾縣東南有青峰渡灘水悍急恆覆舟應具牲醴爲文
以祭水神其患遂息秩滿解去民列狀乞留從之陞秩
六品仍知縣事再滿秩丁內艱去服除致仕年八十四

卒

善志

明循績二

李珙

詹靖

莊敏

張寬

諸壽隆

謝光

陳雅

劉仲脩

何祐

李煜

王昶

李汝嘉

張茂

莊楷

謝寧

丁華

李焯

楊澄

傅凱

郭濬

留芳

莊槃

李珙字廷璧南安人正統初由監生知蕭山縣廉潔公勤

興學均賦俗生女多不舉珙重法禁之民莫敢犯者後
生育漸蕃婚嫁以時民深德焉景泰元年奔父喪歸民
泣送如去父母爲立生祠服闋改廣西懷集值寇亂盡
心保障任滿去民多買舟送出境焉

舊志

詹靖字邦寧安溪人縣令敦仁之後正統辛酉舉人及景
泰閒初任廣昌知縣縣人有捐姓者素豪黠前令不能
制靖至寘諸法縣境肅然廉慎之操六載益勵嘗曰居
家如是居官如是若爲貴富謀非所學矣後陞開州同

知事子官操源曾孫仰庇

舊志

莊敏字廷功晉江人正統辛酉舉人乙丑進士任吏科給事中骨鯁立朝嘗陳六事深得大體帝嘉之賜以五經等書景泰元年出守雷州威儀嚴重喜怒不形政務恬淡人不見其有爲而事無不治尤注意於學校以疾辭

歸詔加秩致仕元孫奇顯

舊志參
闕書

張寬字洪肅一字溥容號慎齋晉江人正統丁卯舉人授富陽訓導遷任平教諭應天府教授丁內艱起補台州府教授四擁臯比以醇誠儒雅爲名博士所至與諸生講易娓娓皆性命真宗臺使者輒署上考而宦情甚淡

自陳乞休諸生擁道挽留車爲阻抵家惟圖書數篋築
精舍課子孫嘗自題曰質不美惟困學而知貌弗莊惟
正道自持偶由科目幸際明時旣未能明乎衆理又何
以決乎羣疑勉脩厥職焉敢虛糜但聽天之賦予奚較
位之崇卑有司表其坊曰獅霄所著有遺訓勒諸家乘

臨歿書寧儉寬庶之句粘之廳事

閩書叅張氏家傳

諸葛隆字思懋晉江人正統十三年賓興太學夫順開授
寧海令寬和簡重不威而治莅政清謹勞心撫字凡百
徵發一循至公民稱慈父數十年遁逃歸之皆相率復

業秩滿以母老乞休邑士民遮留數千涕泣而別子麟

駿

閩書參浙
江通志

謝光字文耿號毅齋晉江人正統閒歲貢卒業成均天順
三年授睢州牧建學宮戢奸盜是歲大熟有嘉禾合穎
之瑞冬少雪竭誠祈禱至夜闌雪盈尺睢戶四萬一考
後增至七萬流移盡歸田賦四千增至七千逐末盡農
宗室奏奪民地遣內臣追給光奮身奏請塞其事秩滿
上官交薦成化己丑擢潮府守勸農桑興學校增窩舖
數百以利行旅備糧儲四十餘萬以防災祲值上中下

外莆隄決脩築石磯三十有二以殺水勢涵溝一十有六以洩于海重建廣濟橋亭屋鼎新府署海陽縣學有饌堂故址卽其地建後堂購學西民地以建饌堂號舍百廢具興海寇羅劉寧作亂數載郡邑莫能制一鼓討平之獠賊曾秉寬鄭金龍鄭金牛等據巖洞出沒流劫饒平黃岡等村檄巡檢魏志統率鄉兵擒其巨魁九十餘人誅之又賊首黃萬寧遺孽黃阿三作亂親入其營招撫之不動于戈賊首盡獲餘黨悉降地方以靜國戚王彬攬市貨物爲民患不避權勢親自擒治之豪紳欲

占民地一區數十家幾遭折毀力阻其請民得安居任
五年而庭生瑞芝又三年而池產瑞蓮民爭獻頌丁繼
母艱歸沒後廣東布政司張瑄巡撫閩省稔光治行題
請崇祀鄉賢命郡守徐源爲建坊於里門額曰良二千

石

節廣東舊通志
李竹坡三瑞圖序

陳雅晉江人永樂閒貢正統中任宣城丞潔已愛民攝縣
事值大旱引罪責躬枷項自署曰皇天不降雨陳雅不
開枷靈樹尋應縣界蒙澤歲賴以稔

閩書

江南通志

劉仲脩泉州人正統閒任崇明主簿寬而有惠不事苛察

凡第賦役高下各得其平民悅懷之秩滿去仕至工部

主事

姑蘇志

何祐字天錫晉江人正統閒應貢入太學授建陽衛經歷
陞儋州同知祐治儋廉謹夷曠興教事除苛政有訟立
決無繫者決之時先以教戒而後量懲之訟者不之州
長而之儋上官每閱祐所理訟牘必稱善初儋人通徭
蠻數反覆爲盜祐出榜文誘勸之語以天下無有白頭
之盜聖世無不南面之民民皆化爲良善居久之自免

一歸與朱鑑楊輿朱鐸溫良相遵從以老

舊志參閱書

李煜字秉常號勤齋安溪人森次子景泰庚午舉人春闈

乙榜署羅源縣教諭值沙尤寇亂學宮傾毀捐貲重建

大成殿明倫堂暨東西廡煥然一新課督諸生維勤不

受贄餽改江西南城諭教一如羅源陞南豐令詢利害

爲興除之築通濟橋民免風波衆立石紀功復建壇壝

與曾子固書院設舖舍建衆安亭政績載太史劉青齋

太常卿程廣平碑豐人祀名宦今祀鄉賢

安溪志卷
羅源縣志

王昶晉江人天順四年任程鄉知縣時巨寇羅寧等相繼

作亂昶密計領兵剿殺之民賴以安

潮州府志

李汝嘉字士美晉江人天順己卯舉人甲申進士授戶部
主事出納勤慎時有貴幸侵民田者命數之得實奪以
歸民後權湖湘商舟清兩廣財賦搜剔奸蠹無敢干以
私陞員外郎尋陞金華知府道聞母喪歸復除衢州莅
政寬平脩建郡邑學均徭役賑貧乏葺武備雪冤滯建
橋梁衛人頌之事蹟俱載衢志後陞浙江叅政致仕祀

鄉賢子繼芳

舊志

張茂字敏實憲安人天順間以貢入太學矜莊端謹用氣
節自砥授桐廬丞專以恤孤弱釋冤濫爲心民有繼母

告子不養已者茂問繼母自有子乎曰有然則何不安
受其養而告前子曰宜均養茂問前子亦既養之矣但
泣言母弟害之茂廉得實給母曰子不孝殺之母叩頭
謝茂命痛杖之母色喜卽召杖其少子曰子不孝弟不
恭皆不可容母奔號請代茂怒曰杖前子則喜杖已子
則號不慈孰甚焉金治母遣之其後母欲虐前子輒爲
少子勸止一邑稱平有猛虎晝噬人茂曰豈吾有苛政
致此乎移文告城隍自責虎遁去中使入閩陵轅沿道
州縣將至邑令避不見茂曰丞自當之及入不爲禮茂

瞻目責之曰七且郎官自朝廷外無不爲禮者中使坐自如朝廷耶徑趣出頃之中使盛有取索茂曰舟則有之竟不能加巡按荆茂按部至縣召之講論經學曰君儒者也奈何屈此檄與秋闈閱外簾文字有友人沒京師子火骨以歸過縣茂迎骨入廨設酒殽哭奠家人謂不祥茂曰設吾友生而過我不延欸之乎年六十致仕歸以文公家禮教子孫祭據禮經酌以土俗著爲成書

年七十九卒于綸

周書參
蘇安志

莊楷字世範號慎恭晉江人幼事瑤于天順壬午歲貢試

第一卒業南雍成化丙戌入粟六百石需次天官陳泉
州宿弊六事曰興復書院以興教化禁取牡蠣以固橋
梁守令題名以示勸懲脩刊郡志以存故典除毀窩寨
以消賊名分置惡疾以祛民患皆有補於時政多見採
納授德慶州州判性度愷悌學問優長加意學校捐資
與知州管淳鼎新大成殿雲章閣復請於督學趙世用
建先正祠舉祀名宦人物於小民尤加意撫字刊冠昏
喪祭圖以範俗脩復廟宇以妥諸神重建孝通橋以免
病涉勵俗有訓勸農有歌士民揭之楹閒相與傳誦先

是州境盜起城池弗固田荒學廢居民襍夷自楷泣任
後城完盜息田墾學興夷俗丕變在任三年一清如水
壬寅部運糧價至京復陳德慶宿弊六事又多採用上
官方以廉能薦時子已登賢書遂告歸抵家杜門謝客
詩酒自娛脩族譜錄先世宦跡曰白里莊氏繩武集葺
墳塋建祀田置祭器定祭品伯父無後爲立嗣諸弟孤
幼者撫之成立性灑脫不拘勢利宦歸琴書外無長物
林居幾二十年惟纂集先代遺文及當朝大家制作臨
沒謂其子曰吾平生所爲無媿本心無玷祖宗無媿所

學所恨少師公之田久假於人而未復耳所著有文集

行世子熙成化癸卯舉人任知縣

採德慶州志參
祭酒鄭紀撰誌

謝寧字安世惠安人天順己卯舉人成化丙戌進士授揭

陽知縣方廉明斷折獄如流雖豪宗不少假借丁外報

以江陰邑素稱富饒財賦充羨寧廉潔愈厲不私毫髮

興建社學選老成莊雅之士爲之師月試歲課俱有成

法歲苦旱寧齋沐素服徒步禱于山川雨隨如注至秋

水暴溢壞民廬舍民告飢又發粟賑之寧爲政大率主

興利便民凡聽訟必盡兩造之情不鈞距苛刻以立威

取名至久人愈信愛居六年陞刑部主事卒于官江陰人立廟祀之子平宏治辛酉舉人樂昌知縣詩翰傑秀

可觀

舊志卷之九
閩書

丁華同安人成化丙戌貢士授封川知縣剛毅果斷省節
淳冗九年考滿民不忍舍力請當道再任三年乃去

閩書

參廣東

通志

李焯字秉潛號翠巖安溪人森第五子成化壬辰歲貢卒
業南雍授廣東南雄府推官秉公持平嘗督鹽法商賈
稱廉爲民禦寇築土城七百餘丈備徒工作歛弗及下

都憲韓雍獎薦六載奏績乞休歸撰家譜以示後嗣門
無剽啄有夜竊其稻數十斛或請搜焉笑曰盜者爲貧
被盜者未卽貧也何搜之爲子廷封官廣西宣化主簿

有惠政

安溪志

楊澄字文瑩號素履又號纓湖散人晉江人八德化庠成
化丁酉舉人授膠州學正轉景州擢國子監助教陞南
康府通判郡有救風渡奸稍實淹溺其人而利其有一
日有以拾獲船貨報者澄問商人安在答曰已溺于水
澄曰豈有能得其貨而不能救其人者必皆汝輩害之

展轉窮治力除積弊商人立祠渡傍祀之歷官二十載

歸家惟經籍數十卷清貧如故陶然自適焉

南康府志

傅凱字時舉號敬齋南安人少年材器拔萃究心易學成

化戊戌舉進士授戶部主事提督天津等八衛督催南

畿浙福財賦以賑西北饑旱集而民不擾轉郎中謝

政歸日與諸士講習四方求文者踵至子浚

閩書○按異林凱嘗

爲行人使異域

而閩書不載

郭濬字本深號蘭谷晉江人爲羅一峯高弟融貫春秋三

傳尤精於易成化辛丑歲貢任遂安訓導浙俗生女多

不舉濬申飭生徒反其俗多有化者秩滿歸與蔡清李
聰相友善二人皆兄事之親贊其像擬以古人持身嚴
峻不輕取予郡大夫嘗沒尼庵給教鄉子弟濬曰是利

其有也卻之

開書參
家傳

留芳字汝礪號毅齋晉江人宋忠宣公正之後成化癸卯
舉人授南雄府通判五嶺咽喉百貨會通暴客時禦奪
爲患故有是員芳適值初設首事維艱之綱之紀偵捕
靡遺未幾風令大行狐鼠寢伏聲譽焯起委署郡篆益
有樹聞五載丁內艱服除念父老不復出芳貌偉神俊

莊夷簡恪居無情容學有蘊蓄為文鏗然可誦泉俗喪
葬華侈居母喪獨刮去俗態日退居杜門不預外事與

同志為洛社遊年七十一卒丁志淑

採林次
崖文集

莊槩字世平號遯菴晉江人宋少師夏之後僉事琛子成
化間歲貢知陸川考績改信豐有風槩蔡清嘗受業焉
其令信豐清為序送之曰業師遯菴家素貧用素約不
獨未為然尹陸川六年貧約如故先生博學高志少

年聲光馳八閩閱世益深擔負益壯所養益不凡其所

施為不以官之崇卑地之廣狹限者可知其人矣

閩書
蔡

文莊集

明循績三

洪元

黃鏐

莊科

田崑

王鏃

黃天賜

黃天爵

傅浚

洪聰

陳寧

黃寬

張慎

黃瑗

林潮

莊昌期

張文應

王奇橙

莊布纘

林鉞

尤復

陳奇

郭克一

洪熊

蔣孔煬

吳希澄

謝崑

伍鎧

章尙賢

李璣

洪元字善至南安人弘治初由郡學生入國子監辦事仕

漳爲將仕佐即具文武才凡有劇務邑令必進而商之
咸得當一日過高坂橋夜有巨盜數十火劫其鄉元率
鄉人追之獲一盜曰劉虎鞠之乃渠魁素知名者郡邑
屢捕之不可得因欲窮治其黨元力止之祇殲巨魁上
之當事當事高其才議列之薦章小及遷而卒鄉人思
其恩釀金贈行大方伯楊道會爲南傳志

黃錄字于宣晉江人宏治癸丑與兄銘同登進士授南京
戶部主事轉禮部郎中擢守思恩軍民府思恩故土官
岑氏世襲民夷雜處及岑氏敗改設流官餘孽猶時跳

梁鍊至悉擒捕之梟其首仍團結保伍令民緩急相救
增設縣治定稅額均徭役建學校置驛道治如內郡由
是夷氓不敢肆騫三年移守桂林考滿丁外艱歸卒于

家

舊志

壯科字由矩晉江人宏治乙卯舉人教長沙平湖二學正
德閒擢知開建縣崇學校闢田野興利除害民懷政教
峒徭嘯聚攻城科整衆登陴露刃持滿賊趨趨不敢前
賊退人以多科功科曰禦寇之道安民爲本令民心完
固何賊足虞於是詢民所甚利害爲之因革民告便而

緒亦伏以才改任順德處劇以暇尤見其長歷南京刑

部郎中終高州府知府姪應祺

閩書系廣東通志

田崑字景玉晉江人崑弟宏治乙卯舉人授均州知州值

凶歲軍興多方招撫賑濟民賴以活而流移者復業武

當山鎮守中貴貪虐民不堪命極力抗制中貴怒欲中

傷之例州官朔望謁山道士當出迎中貴人令道士故

不爲禮以激崑怒伺崑欲笞道士遂毀無壇萬歲碑誣

奏崑悖逆逮繫至京逆瑾用事構成重獄大理卿燕忠

疏雪其誣乃得釋竟削籍歸均人謠之曰太守憂民苦

奮身抗猛虎直道古難容名位葉如土祠之名宦

舊志

王鏐字子鋒號巒山晉江深滬人天資穎敏遊于蔡清之門篤志勵學成化丙午舉人宏治丙辰進士深滬濱海民居聯絡皆以漁爲生其讀書登第自鏐始由是髦士彬彬初授宜興縣爲常郡劇邑至則均徭役時賦歛則

奸蠹不留獄太湖盜發剽劫焚慘鏐聚衆備禦訪宋元

水寨遺址立堡二十建警樓十二募丁壯守之寇至合

剿去則歸農兵不知勞盜不入境民以安堵臺使者最

其能陞南京大理寺左評事轉寺正廉獄明慎擢惠州

府知府政聲嘖嘖未幾歸候孝事繼母篤愛異母弟建
祠祀始祖至高祖充田租八十石以供祭費深瀝雖烟
火稠密民不知兵海寇常肆掠室廬俱被殘毀聞寇至
悉奔竄倣倡議曰以吾鄉數千之衆累困於一二百之
小醜弱孰甚焉曷不嚴防禦之策乎乃親閱鄉丁之壯
者編爲隊伍利器械授戰法而約束之臨敵退縮者重
其罰賊不知其有備也復來寇衆用奮而擒之無遺類
焉自是賊不敢窺其鄉人謂倣之賜也卒年六十九

採顧

新山文集參
常州府志

黃天賜字于和南安人宏治戊午舉人正德聞知英德縣剛正嚴明不畏權勢時中官遣取英石賜曰此石何益於用徒勞民耳倘羨其瑰瑋請詣九疑觀之更爲奇特卒却之及調去民攀號車軹祀名宦

閩書象廣
東通志

黃天爵字希仁從蔡虛齋學因號潛虛南安人宏治戊午

己未聯第進士南邑黃姓登第自天爵始甫觀政卽以

親老引疾歸父疾篤屏僕御躬自滌穢扶擁搔撫晝夜

不離比瘵哀毀異常喪葬如禮起補戶部主事蒞事勤

慎尙書劉公稱其心存公務事當人心秩滿陞刑部員

外晉郎中嚴明爲同官最擢廣東副使有滯獄疑於法
爵至輒訊折之人服其神尤喜植善類粵人畏而愛之
丁繼祖母艱起補湖廣副使留心學政水利士民勒石
頌德力請致仕歸而營宅西埔卽築虛齋所授地歲奉
祀事甚謹待異母兄弟如一族中老貧幼學咸推橐惠
之愛母家陳尤摯撫遺孤嫁二女葬二喪購廬代奉其
先焉性寡言笑外直內寬未遇時偕妻歸寧其同襟李
已貴顯禮待頗異妻拂然促天爵偕歸勵志讀書及貴
妻尙留憾而天爵已忘之矣功姪河清在銓部常欲推

以督學力辭焉人服其品行子自勉會孫南金師顏江

兼參南

安志

傅浚字汝源號石涯南安人凱子性謹厚宏治己未進士

授戶部主事丁父憂為逆瑾矯旨削籍瑾敗起工部虞

衡員外郎進郎中理薊州鐵冶釐草宿弊省鐵竈費三

之一途為定制改都水慎出納不徇私請鄉長將賂中

官屢系羨餘浚不應為所排出為山東轉運同知卒于

官子楫舊志

洪璉字謀甫晉江人宏治乙卯舉人壬戌進士正德未知

南安府性有執持甫莅任值犬駕南巡藩司諭預處上
供費聽上牘以地僻民寡不及他郡一縣力請減損議
未決而駕已旋郡以無擾屬邑佐有怙當道勢虐民者
執之民稱快反被註誤後事白卒於家

閩書參
西江志

陳寧字士泰號介菴晉江人宏治戊午舉人壬戌進士知
東莞縣束書數篋赴治性剛方不畏權勢至則以吳隱
之飲食泉詩爲佩符曰不如是則氣餒畏人何能排天
幹地未旬月百務具舉東莞舊有堅訟寧訊立洞大批
數語兩造俱服一境皆驚有作神君詩頌之者寧曰吾

非能神吾得其意於春秋焉擢節人情天理而輕重吾
權衡於常律時例之外執律拘例者不能吾制焉耳矣
由此問左之老猾家右皆惕驚蹇縮不敢出繩墨邑以
大治政職左經右史尤邃於易學每俯讀仰思有一得
卽入邑庠召進諸生課試之以所得發其疑使各自思
而因以授之鄉社窮鄉遐里皆知向學年三十四卒

閩書

參紫峰文集廣東

通志東莞縣志

黃寬字純裕號畏菴晉江人宏治甲子舉人授陽春令政
尚寬大學宮公署次第脩葺又於厲壇之側築漏澤園

士民稱政無愧其名值黎人弗靖屢討未平王將以
得民囑親民兵協攻之民奮力爭先一戰而克撫按表
其清慎愛民仗義討賊例應陞士民遮道乞留復疏
請留粵補授肇慶府通判購義塚於東郊以爲無力者
藏又置義田四百戶分爲二倉一濟士一賑民徭常平
法春借秋還視年歲豐歉遞減其息凶年則全蠲之士
民沾惠建崇聖鄉賢名宦各祠脩城隅橋諸廢具舉士
民伐石勒碑立功德亭爲祠祀焉肇慶志載入名宦弟

瑗

閩書參廣
東通志

張愼字公謹惠安人綸之子宏治甲子舉人知英德縣廉
明簡靜先教化後刑罰痼疾民隱搔爬利病邑富水陸
之衝痛節浮費酌迎送定規尤亟興文教正禮俗毀淫
祠黜虞美人祠山洞有虎患禱之而息嘗民好詭田匿
賦愼好論之令各以多寡自實履畝編賦民不爲擾聽
訟多便民情願釋者聽然必爲書牘以杜後爭值亢旱
有訟水利者必冒暑決之民間小訟亦爲悉心聽察曰
小民見利必爭不爲結斷爭無已也宋唐介謫英州別
駕愼得縣北龍山書院遺基建祠祀之前開講堂旁列

齋舍以居諸生政暇爲講論經旨及古人行誼卒于官

上司議祀之名宦縣人卽龍山書院祠之曰張公遺教

在是子岳峯

聞書參續東
通志惠安志

黃瑗字純玉晉江人宏治辛酉舉人乙丑進士知長山縣
時山東旱蝗瑗多方賑濟隣境飢民來就食者萬計有
老嫗子商販戍于盜瑗計獲真盜寘之法人服其明青
齊有疑獄潘臬多檄瑗鞠之無不得其情陞戶部主事
歷員外郎中擢守肇慶存心撫字脩隄防輯戎事恩平
賊蘇富唐國欽相繼作亂率民兵剿滅之以功進三品

秩既而廣西盜起瑗復統肇慶之兵會捕之暇日與士

大夫浩歌雅論人稱瑗之德無愧其字云以疾卒

舊志
參廣

東涌志肇

慶府志

林潮字君信號沙溪晉江人其先自仙遊沙溪遷晉江故

以爲號宏治辛酉舉人乙丑進士乞歸養觸權璫劉瑾

怒坐廢瑾敗起除台州府推官執律以拒監司弗徇大

吏風旨滿考囊橐蕭然擢御史正德中戚畹內侍多寵

侍驕佚踰制靡有顧畏獨喜結言官有私與爲好者珍

玩重賄無所愛潮閉關掃軌無權貴之交門外悄然出

按江西宸濠數侵之不能奪謁見不以朝服不以朝禮
其子便殿曲宴不奉觴爲壽御史范輅爲濠所中被逮
疏赦之時濠方包逆謀多爲不法而飾小行以沽名喪
其親善哭聲動宮庭徒步送葬潮與都御史孫公壽所
以過折備防之謂其謀不可測旣難驟發且可因其僞
而與之使益飾以自匿或不爲逆卽逆猶可少緩其發
而徐爲圖遂僉以疏入言濠有孝行宜加褒示勸及潮
去未幾而變作朝議以潮畏禍徇宸庶人之意以苟免
竟坐廢歸歸樹德於鄉三十年孝於親友於兄弟其實

行內脩感人者不徒以言故人無不化年八十一卒

採

遼巖

文集

莊昌期號清慎晉江人少卓犖有奇氣學行文章爲泉所推領宏治閒歲貢不卽授官曰吾當友天下之善士乃就太學與諸賢豪遊行日益尊處里閑宗黨中見義必往如飢渴之赴飲食授全州州判救荒緩賦寬逋息刑全爲廣右肘腋時盜猖獗州治戒嚴昌期率衆捍禦以身當其鋒賊黨盡平竟卒於官全州之民罔不悲涕

莊方塘撰傳

張文應字廷鳳號南溪晉江人治春秋學義據通深讀三
傳者多師之正德丁卯鄉薦第二人以母老就瑞安教
諭操履方正學識淵宏啓迪諸生寒暑無閒講學興禮
敦尙風化多士蒸蒸向義遠達平陽永嘉青田龍泉諸
邑聞其經學淵深文質競爽皆負笈恐後遷樂平知縣
邑當姚源冠甫定之後公私交匱逋負山積復有以藩
權璫誅索無厭文應撫摩綏輯酌分緩急約法簡而恩
信著民慶更生夜有禦人近郊而取其貨者問其家曰
雞鳴時誰邀而夫者得其名掩捕一訊所禦金尙在

杖斃暴其屍邑驚爲神脩邑志立社倉祠烈女平鉛山之變誅其魁宓濠稱亂有從師勤王功總憲孫姚江謂其一廉激俗六事孔脩王文成公守仁奏功錫宴有氣節凌霜忠誠貫日之表以母老乞終養士民遮道慟哭者萬餘人歸途惟敝衣破簷越八年樂平之民復裹糧赴闕陳保既不獲則勒石紀政祀名宦歿後里中亦祀鄉賢子天衢仕訓導有學行天叙嘉靖辛卯舉人兩任

知縣

閩書叅溫州府志張氏家傳

王奇橙字良質惠安人正德丁卯舉人授石首教諭嚴條

教勤講解自是科目漸盛壬午分校浙江取士得人擢
知益陽縣廉謹自持出格招撫洞庭劇盜盜率徒黨數
百伏庭下願爲良民遣使復業縣人勒文紀功未幾卒
囊橐蕭然巡撫檄厚資之子以佐廣文先生朴古君子

也以寧嘉靖戊子舉人孫約

閩書叅
惠安志

莊希纘字邦考晉江人正德丁卯舉人嘉靖二年授陽山
令平易近民不務敲撲嘗脩韓公臺捐置田十畝爲祭
資旣去而民思之勒石臺畔頌德焉

採廣東
通志

林鉞字宏用晉江人宏治甲子舉人正德戊辰進士初授

崇仁知縣三年改增城遷至南京戶部郎中嘉靖初出
守太平鉞令崇仁時請改折京兌二米有才能聲寧庶
人欲勒致之鉞曰令可屬鏹不可易肝膽也及爲守多
建立興賢造士養老卹孤嘗築楊家姑溪壩建亭其上
由是姑水濬折不苦衝決又裁采石諸驛供應夫草馬
政羣長召種荒田歲省浮費金數千增穀至十餘萬石
又奏免水旱災傷沒豪右匿田入于學以贍士士民賴
之未幾歿民盡流涕後二十年祀于太平之名宦移檄
入郡祀鄉賢鉞善詩能書與關西呂柟友善尙寶李源

稱鉞詩挾江其委挾賦其奇之太鉞孫奇茶

舊志參江南通志太

平府志

閩書

尤復字純卿號見齋晉江人祖聰成化閒以歲貢仕沛縣教諭父俊復少受易於蔡文莊清稱高弟正德庚午舉人會試後丁內艱連遭荒歉授徒廣南易粟以全活家人族授鄒平教諭解經考文闡明底奧士若發蒙臺院趙公春延至省造就六郡俊士科第相望著道學口說濟下咸宗分校陝西會元趙時春出其門陞知石埭縣邑故稱饒向多姑息以利其私糧累科索下戶甲總窩比

穿竊詞訟請証求勝政務益繁下車咨詢利病正體統
除常例譏察責諾保甲聽訟惟務虛公寬猛互用信賞
必罰朔望視學講論廸以脩身善行於是縣庭無誹賊
稅莫逋夜戶不閉野無冤民然性不能脂韋取容竟遭

讒解組民攀轅留涕有尤去尤不要之謠歸而承父歡

葬祖及第囊中盡罄諸縉紳延之師席講學論文藉以

自給郡守俞咨伯禮致上賓辭不就年六十二卒石埭

人立碑紀德載之名宦其書去位之由則曰操持清白

守正不阿云弟和正德己卯經魁蘭谿知縣

錄九思
所撰誌

陳奇字士特晉江人正德癸酉舉人銓新泰教諭庠中有
老聃像以孔子侍奇申毀之兩校鄉闈遷南京國子助
教轉河閒府印馬通判盡革馬戶詞訟贖罰令納紙數
葉備案牘而已河閒爲京輔郡有印馬巡按巡鹽三御
史印馬御史欲抵人罪奇以直上御史駁却者數竟不
改御史曰判何物也尋怒以他事會得巡鹽御史解乃
止已巡鹽御史語奇奇復不拜謝巡鹽御史亦不悅於
是交劾落職貧無行資有堂吏白奇御史劾公未得處
分有秋季馬尚可往巡亦資斧一助奇曰棄婦則不可

復事事廢婦則不可復改守吾養且棄矣鄉縉紳在都
下者憐其操爲言於新巡鹽御史資給之始得攜孥歸

民曰菩薩去我

問書

郭克一字約之惠安人正德癸酉舉人少從莆陳茂烈學
嘉靖中署歸善教諭學舍在郭外敝壞日久諸生徒寄
空籍克一捐俸新之復分齋肄業之規申飭條教講說
經旨士心竦異諸司行部至惠州莫不嘆賞在任一年

丁內艱歸卒于家

閩書叅廣東
通志惠安志

洪熊字世美號古山南安人正德癸酉舉人司訓平湖陶

鎔士類如俞咨伯皆以科第顯擢天台令邑以勝景
士大夫游者踵接能密斷橋道游者罕至邑中夫役需
辦之費十省五六民大德之台庫猾類營窟其中熊輪
役畀之吏無所措手爲奸邑喜訟理論之終以素性朴
直失上官及使客懽棄官歸蕭然一室詩酒自娛不事
干謁咨伯來守泉絕不以私請其於嗜欲勢利淡如也

南安
志

蔣孔煬字君和號愷庵晉江人正德丁卯舉人甲戌進士
初任通州知州甫下車問民利病清賦稅平訟獄吏無

所容奸尤加意學校集諸生課業躬督所獎識皆成大
名州有宣家港度其地勢宜田顧謂邑耆老此地棄之
則荒蕪湫溢以畀鯢鮪用以畚插其中則上益縣官芻
輓而事可足百姓倉箱何百餘年來見不及此因力請
諸當道得不急贖緩佐以已俸墾之功就得良田可二
千畝通人賴之丁外艱服除陞南戶部員外遷郎中督
賦浙江江西蒐贖得乾沒巨贖株木窮其枝條徵積逋
溢於新賦皆已出於民未入於國者反命世宗特褒美
之改刑部郎中以才取忌者數事母至孝為事母

漸澤家居建祠堂而大宗小宗皆立祀田與旁派子姓
輪收尤酷愛其弟所有田宅皆產或割其半以畀稱觴
同堂嘉靖甲辰乙巳歲大祲飢殍載道倡里中縉紳有
力者輸直于開元承天二寺煮粥賑施三十餘日一時
賴以全活者數千命其本宗叔姪弟昆母論老少每日
日授糧一升至於姊妹姑姪適人貧乏者所授米亦如
之里中侈談其事卒年六十七同年郭楠爲之狀而王

慎申銘之

舊志參閱書
王遵巖文集

吳希澄字克靜晉江人正德丙子舉人授廣東長樂知縣

勸農桑廣積儲雖旱不害民以情訟者進見無時虛心
曉譬曲直咸平會有老監司貪黷無厭希澄恥爲阿狗
大拂其意久之復與爭獄竟爲所中歸隱靈源山下王
慎中贈之詩曰家在深山非避秦相尋正及桃花春近
看道氣睂閒異暗接心期語下親兄子從憲

閩書

謝崑字鍾璞號次峯同安人正德丙子舉於鄉以親老乞
學職得金華訓導嘉靖南戍捷南宮遇疾弗與殿試已
廿成進士歷知溧陽成安二縣持身潔而馭吏嚴溧陽
民喜爭動以財賄取勝崑一律以理法期年訟息在成

民尤安之擢南戶部主事監鈔北新關鎔銖弗染商舶
二稅取足常課雜費破格除之吏白除之必斂怨崑曰
寧怨歸已毋害歸商由是清操流聞得代惟圖書數肩
而已轉南兵部職方員外郎未任卒崑溫厚質實財利
不入于心生平不樂人逢迎亦不能逢迎人歷官十餘
年未脫寒酸遇匱乏弗恤惟賦詩讀書其卒也當道助
賻始克蒸棺同人重其行誼舉祀鄉賢閩書叅林次崖
文集同安志
伍鑑字文衛晉江人正德己卯舉人
嘉靖丙戌進士知潮陽縣力阻貪官
督徵驅逐鯨鱷邑子陳沈居鄉不法峻絕之爲所陷械

治京師潮陽人厚金幣造官尉俾善視鎧已爲立廉正
之碑事白改高淳惠政在民有兒殤廨中鎧去邑民祠
鎧俸及其殤兒改戶部郎爲尚書許進梁所知改郎工
部陞南光祿少卿落職起知隨州再陞雲南僉事貴州
參議先後按史以其無分寸私薦抑所察吏一準所裁

年八十餘卒

閩書

韋山思肖

次崖集
作思肖

號鷺沙南安瀛溪人正德丙子舉

人辛巳進士授戶部主事督漕江南龜勉趨事糧運先
簡書二月至京從前未有也大司徒梁檢菴材器薦於

朝獲錫幣褒封貴溪相夏言欲建第尉城聞其才囑吏
部遷尚賢廣信府守莫得託以行意及至郡殫心職業
理詞訟平賦役六事畢脩部使者至郡不三日輒去曰
郡有良守矣以才能登薦刺言託以治第悉置之咱以
美官亦不應言銜之郡中四姓得罪於言每監司至輒
希旨逮捕必致之死尚賢惻然白免之言怒甚言於吏
部請改調冢宰汪鋹少宰翟翰知其賢爲調毘陵郡民
扶老攜幼走送毘陵大郡也言益怒乃改九江地當衝
要民力疲做愛護休養一如廣信時章聖太后梓宮南

附百凡旁午守令皆惶慙投檄去尚賢獨身任之事賴以濟江右十三郡民稱羨九江以廣信民久勞時相與作獨白免之撫按交章論薦繼膺守信者已致上卿而賢淹滯不動績上三日遷擢有期卒為權相所擠遽報罷慨然登途畧無愠色家居徜徉山水課兒輩耕讀戒子姓毋侵凌鄉里郡邑長以公事至瀛溪必造訪政令不便民者輒正告之毫不及私年六十歸卒鄉人皆流

涕擁殺萬慶王子舉人

南安志卷林次崖文集

李璣字文用號懶齋安溪人正德中以明經授信州學正

脩明倫堂以崇廟貌推贊節惠貧生課督有方儻僻處
荒服由是文風大振祀名宦後何督學祀之鄉賢

安溪志

明循績四

王佐

曾仲魁

黃澄

吳銓

陳健

蕭景鼎

鄭琛

蔡克廉

張志選

尤麒

張文昭

呂文緯

陳儲秀

莊深

張天叙

蔡宗德

陳露

汪旦

黃傑

王佐字子才同安人嘉靖壬午舉人初知睢州值河決竭
力捍禦河卒平睢人建回龍廟河濱生祀之擢高州同
知南戶部員外郎中以持議忤大司農出爲兩淮運同
爲人剛介在高佐嵯解課者專而家甚清白屏居年八
十三矣睢人請於督學祀之名宦不知其傳在遺稿友

至今徐待贈之詩曰白頭如越世赤子未忘慈百畝家

無羨千秋食有餘亦竟以其年卒

閩書

曾仲魁字思達號漸溪晉江人正德丁卯舉人嘉靖癸未
進士授順德令歲飢路有殍齒開廩平糶煮餉和藥飢
者飽羸者起邑負山阻海宿偷蟻結穴深藪密商旅客
梗畜聚不敢在野仲魁蕩窟覆巢使民露積田開行着
無虞法在募精卒除戎器謹候徼賊發必得安民而不
擾民既乃爲民畫便興利立社倉建社學訓誦課業具
有條式繼知順德者爲袁鉞政與相掎人以比之召杜

擢禮科給事中監京庫局東南百物之貢內寺主之宮
府乘隔民輦輸入宮主者求賄無藝賄且半輸伸魁剔
刷盡本省賄萬計主者受懷千金入謁求稍寬弛正色
曰吾以上聞若死矣貸若死監法不可弛也其人慚退
始以役當輸官貢者皆相恐以破產廣歛他戶充賄名
曰汎費比所當稅費乃讓今歲汎費既難却還他戶而
使役者以賄售爲業主者亦不能平爰徵其半入官而
盡罷以後汎費轉刑科右給事册封靖江出知嘉興府
以耆老乞養歸母沒後補池州節齋厨傳篋篋諸交際

別置條法畿內新貴人目爲迂濶而自尊大會陳御史
以巡江歲滿檄取紙筆費仲魁曰吾知爲民太守不知
爲御史胥吏也御史惠曰太守慢我上疏論劾吏部持
之會論者至京奏事爭益力考功重拂其意遂報罷既
歸社門不出郡邑長造訪賦詩不報謝人益高其風年

六十八卒

聞書系廣東通志王遵巖文集

黃澄字廷肅號竹溪南安人正德癸酉舉人嘉靖癸未進
士釋褐仕行人明制科道官員缺皆自行人選授人以
得不得爲憂喜澄獨不就選遂以司副遷刑部郎出爲

廣東按察僉事飭兵嶺西會猺劫高州朝議剿之督府以澄將中軍聽龍水進屯羅銀破賊徒十有三斬首千一百餘級獲俘八百餘人牛馬器械無算督府上狀詔賜金幣高肇二府居民與生熟猺相半猺所藉者魚鹽往時金不許其出入爲市澄令賈人得持魚鹽入峒獨不許其出耳熟猺或時至庭下獻茶蜜爲壽澄輒以魚鹽厚償之諸猺咸出望外終澄任無爲患者竟以峭直忤世歸隱竹溪之上與其族子河清相倡和其詩清明直達有王岑之致于養蒙

吳銓字秉衡晉江人受學於蔡清嘉靖初以歲貢授博羅
一訓導擢陽春教諭平居嗜學而持身以禮無惰容無僞
言無私謁妄求爲學官集士有美質者使肄業學舍授
之易親爲講解夜則挈供具行視稽其勤惰皆翕然奮
興御史周煦廉其賢特疏薦舉以疾歸士咸思慕之蔡
元偉稱溫陵人物謂朱簡庵鑑李木齋聰蔡虛齋清陳
紫峰琛張淨峯岳黃逸所孟偉林龍峯同顧新山珀林
六川性之與銓爲溫陵十子雖名位不同皆無愧鄉先

生也

闕書參廣
東通志

陳健字時乾號滄江同安人正德己卯舉人嘉靖丙戌進士授刑部主事歷四川司郎中決讞鯁直不阿上意出知南安府政務寬簡與民休息脩南安志南安人稱其總挈綿邈持議宏遠調廉州府再知南寧爲政惟勤撫綏不務因循歸田後課子孫崇先祀敦睦無閒孫榮祖

榮選

閩書

蕭景腴字世厚號貞軒晉江人父存成化丙午舉人應天教授景腴習博士業棄而爲椽授定遠尉定遠經大盜殘賊之後百姓流離景腴與合署是時疾備城壘池溝

先奮牘以母憂去定遠人思之祠焉服除補尉長洲值
大饑奉委分賑民沾實惠時織造太監張志聰恣雕橫
索長洲令郭波持法挫之志聰忿甚誣令撓御造龍衣
執而倒曳之車後景腆聞之領所部弓兵奮追直前手
批志聰落其帽市民從旁觀者盡爲景腆張氣梯屋飛
瓦羣擲志聰志聰阻折而去竟奪令以歸志聰還訴世
宗有旨械下詔獄時令已先擢入爲工部主事亦與景
腆並下鎮撫司拷訊廷臣壯其義會疏救之令得落五
級而景腆仍調尉永從時吳廷舉巡撫吳中爲景腆立

仗義英風之碑於長洲縣門景腴鐵面虬髯敦倫尙義
父所積俸餘悉以與弟謁選時有鄭姓授泉司倉以告
身質二十金比至泉不能贖卽以告身予之甫有京解
失水貸四十金賁於官歸無以償不問也其人歲時來
致祝止之復來在長洲與祝枝山沈石田唐伯虎雅相
慕向及被逮益欽其高義大節故所得諸名筆書畫獨
多常披閱以自娛年六十七卒孫騰鳳隆慶戊辰進士

兩淮運使

舊志系江南通志
景壁集蕭氏行實

鄭琛字必獻惠安人襲之後嘉靖丙戌以貢授嶧縣訓導

開襲勝會萃士學教之先求放心復表王烈婦刲股之
廬以勵風化岷水暴漲半夜扣縣令門爲民請命承委
視水埋柴瘞殍賑業流亡陞三水教諭期會課程如岷
以邑庠新建萃傍縣之材爲更番講學之法乞休歸粵
志稱琛學有淵源甘澹忘物孫一濂一信一信守金華
類張做尹翁歸之爲人終廣西按察副使一濂思恩同

知居鄉有惠德

閩書

蔡克廉字道卿號可泉晉江人祐子少與梁懷仁並稱神
童嘉靖戊子己丑聯第進士時年甫十九除戶部主事

乞改南尋調北刑部王事陞員外郎中先是大同軍叛
總督劉源清逮下獄久不決及克廉治源清獄謂邊鎮
大臣論死以快叛卒非國體且源清先有助破寧庶人
功請宥之肅宗從其議劉得毋死用是得不恕名張延
齡者孝康皇后弟坐罪下詔獄先後提牢主事恐傷母
后心寬之帝廉知怒責尙書罪猶先後提牢者克廉坐
謫廣德州同知久之量移廣州府同知遷南京禮部主
客郎中出爲貴州提學命未行丁外艱起補江西提
學命事廣東提學劉使兩省士先後成進士數百十

人多爲名臣陞浙江右叅政江西按察使右布政使尋
擢操江僉都御史癸丑倭突薄太倉城時克廉駐蘇星
馳入州城乘堞冒矢石督將士固守飛礮擊殺賊三十
餘人遁去被劾得日以原官起撫江西陞右副都御史
總督漕運陳漕政八事請城寶應以防倭平通泰賊入
爲戶部右侍郎俄轉左晉南京戶部尙書時年四十有
九臥病邸中振武營兵變以減餉故射殺侍郎克廉以
是罷歸尋卒克廉純明溫粹在泉與梁懷仁王慎中俞
少年科第以文行相繼出與唐順之羅洪先鄒守益諸

公徃復討論卓然有志於道在官當事穎識敏裁處繁
應卒游乃有餘賓客談論拓舊爲新推小至大闡微極
著更出互生滾滾不窮世人盡推克廉才而克廉亦以
是爲分宜相嚴嵩所知嵩當國遂注意推引而克廉於
嵩不能有所救正世人以此訾議之然克廉爲戶部左
侍郎時尙書方缺獨乞南曹其引嫌自遠有足諒者子

應麟吏部郎

舊志參閱書廣東
通志太倉州志

張志選號行吾晉江人嘉靖戊子己丑聯第進士授諸暨
令俗多瀟艾以至諄諭之所活萬計浙東民逸於法

士逸於禮法義勇奸志選崇恥衲悻邑人蒸蒸向化出
最遷戶部郎出爲常州知府值歲祲便宜救荒起白骨
而肉之獨宿逋撫流民諸可惠元元者無不爲之性耿
介爲權貴所齮竟罷歸居家孝友侍父正衣冠竟日俸
餘與昆弟均之治墳塋置祀田示子孫勿登枝而捐其
本當事有咨詢地方利病者縷縷利害非公事不謁非
公言不出口飲人以醇而一歸於長厚鄉里稱之

節張氏家

傳

尤慶字國禎號見洲晉江人受業於易時中嘉靖戊子舉

人投武城令邑小民貧地當孔道流離轉徙幾不可爲
至則問疾苦罷不經之費與民休息巨猾商鳳鳴以武
斷之才爲鄉人患捕置之法良善獲安有兄弟相訟壯
年羅刑獄至白首不決出之庭諭以天性皆感泣聞之
上官釋之王少宰之僕害人執而治之虐焰方張衆咸
爲危不顧也委訊諸州縣獄多平反治存大體不務苛
細夏津恩縣故城等邑時當隸諸民赴當事請委武城
令往審編差役各得其所上官喜得人諸邑長亦心服
邑接壤恩縣舊患水利不通民多失業流禍隣壑爲相

度疏築兩邑交頹屢報最行取擢南戶部四川司主事

士民請配祀東昌守芹山陳公至都門以疾卒年五十

三武城人聞訃羣聚一室哭臨焉麟天性孝友事父母

順志承歡敬叔父母如父母視從弟如弟撫異母弟妹

如子惇倫厚族人無閒言鄉評歸焉

節清源文獻
陳我度撰志

張文昭號西亭晉江人年十八爲諸生旋餼於庠嘉靖庚

寅歲貢授衢州訓導端楷樹範莊敬和樂日進諸生談

藝故精易義出其夙學發家擊詆人人得所欲去監司

重其文行亟嘉獎焉遷賓州學正地雜犷獷無復儒風

條舉冠婚喪祭四禮以身標之遐邇蒸蒸向化與中州
埒直指陳少岳督學魏立峯金器重之秩滿擢高州教
授教如賓衢郡守歐陽公稱其古貌古心古學古行郡
人以爲實錄生平恂恂言不出口無甘詞軟態接人推
心置腹貌冷情溫其於孝友尤篤兄弟聯若手足旣而
浩然曰吾老矣安能爲首領折腰方杜門乞歸竟卒於

官

閩書參張
氏家傳

呂文緯字道充號壘石同安涪州人嘉靖辛卯舉人授藍
山知縣爲民求便利日搜其蠹弊而芟除之才識敏贖

庭訟一言而決胥吏靡竄手舊有徵輸餘銀吏以羨白
例充私費文緯請歸官充公監司大其請遍移旁邑曰
令不當如是耶往上官按行部邑庸鄙者或有需求至
藍獨無私饋吏懼見請文緯不願卒皆敬重之居荒徼
閒蠹蠻蕃育數患苦民黎一日掠至城下文緯勒兵追
捕俘數十以歸度其勢可盡殲建議平徭當事難之文
緯指畫陳可取狀遂委任其役按地圖部署兵所從入
率敢死士搗其巢窟徭窘乃求撫文緯曰聽撫卽吾民
也定爲約束而遣之徭遂平上其事于朝民立祠祀焉

陞四川簡州知州未任而報罷文緯誠實果敢居官廉
 而有為其平徭之績尤偉而卒見排不錄中丞劉凝齋
 在湖藩時詳其事及撫于閩益相敬重凡時政得失陳
 說往往受聽其居家仁孝田宅盡讓與弟又置祀田三
 十畝以奉祖先族黨交誼焉

孫傳錦
 舉文集

陳儲秀字舜弼號瑞山世為晉江人徙居南安嘉靖辛卯
 壬辰聯第進士授行人奉使魯藩厚贈辭弗受擢雲南
 道監察御史清戎兩粵謂閩左之役尺籍功令具在若
 影捕蔓引如罾笱亂魚畢弋亂鳥非作民父母心班令

所司俾覈實督發諸屬籍絕者勿濫逮迄竣事上得當
以報大司馬而下以綏粵民粵中交口頌之丁外艱服
除署河南道御史大計天下冰霜自矢會東粵按臣當
代臺議僉推之既至熟悉民情利病政治便否張弛咸
中欵會安南阻兵議剿撫不一與總督毛伯溫相機宜
宣威德夷酋欵關輸貢上功賜寶鏢麒麟服暇時進士
程藝講德龐尙鵬股從儉節鉞閩中皆所甄拔積資當
內擢爲嚴嵩所擠遷河南副使董河道樹標振厲吏凜
然奉法管河判官某苛而墨與直甄有連屬爲地廉其

不法狀嘆曰夫固蔓附而鷹攫者上下相蒙以庇墨吏
奈法紀何檄下逐之直指銜焉適大計以蜚語中之去
官歸山居采茹自給詩書自娛不問戶外事兵燹告警
與莊用賓募鄉兵禦寇南邑無城與邑合夏汝礪鳩財

集衆築之屹然金湯

南安縣志

莊深字靜源晉江人嘉靖辛卯鄉薦卒業成均遇世宗行
藉田禮深作聖駕躬耕藉田賦祭酒王教上其文遂蒙
睿賞授四會令劑量貧富以定徭役脩 聖廟建尊經

閣限程課士捐俸以賑貧士之婚喪處孺夷寬嚴有經

遙與亦祠祀之爲忌者所擠罷歸四會人祀之名宦嘉
靖季泉中倭深先登北門守俾飯卒寇不敢攻竟退御
史樊獻科致金帛羊酒其門曰爲泉人謝公守城德也
深善四體書尤長於徑尺

閩書

張天叙晉江人嘉靖辛卯鄉薦領教官分考湖江內簾其
時取士皆外簾用專內簾具員而已天叙閱卷得顏鯨
必欲御史登額御史不許天叙曰請朝制何出聘幣還
御史辭去御史不得已從之後鯨竟至大官知遂溪縣
政尚廉平捐俸脩葺學宮樹亭闢舍創建書院集士講

藝其間遂使人祀之名宦

閩書參廣
東通志

蔡宗德字懋脩同安人嘉靖辛卯舉人通判廣州活漳泉
之通者知者百餘人有甲盜葬乙地乙遷其棺他所甲
以棄棺訟宗德佯不聽弟約日令乙遷而棺果還故處
又有弟亡僮一遺腹兒兄利其產謀一夫婦冒爲己子
復謀一人證之宗德訊佯怒令棄兒於水弟婦哀慟求
免冒子者畧不動乃責諭其兄薄分以弟業丁艱復除
台州活莆田被擄者十餘人調梧州卒子貴易孫獻臣

閩書

陳露字道章晉江人嘉靖甲午舉人授武城教諭陞國子
博士肇慶同知肇慶古端州包孝肅嘗宦其地露至名
堂曰仰包平反大辟不顯回異檄署德慶州賊有黃海
龍張快馬等倚搖蠻爲聲援肆剽掠露廉知大姓主名
結賊好以自保者數人不繩以理密令約賊降者擒之
至期推牛醞酒與酣飲候其醉出伏兵擒之皆就縛餘
黨盡平嘗至四會賊民飢德慶四會皆爲立祠以不能
取容罷歸子紹功字及卿萬歷庚辰進士仕廉州推官

遷潯州同知有文學

聞書參廣東通志其要縣志

汪旦字仲昭晉江人立信九世孫父瀚宏治甲子舉人由
山陰掌教遷泰順知縣嘗與王陽明講學辨論旦時數
歲頓解意義嘉靖壬午舉人乙未進士任江西金谿令
縣故有寺曰天竺寺有千孫堂四方婦女求嗣者齋禱
宿其中歸多娠者且至官疑爲奸召伎女僞民婦徃授
硃墨誡曰夜有人就若則塗之越日昧爽行香詣寺僧
悉出迎檢跡其身染硃墨者凡數輩遂收繫獄獄未卒
具忽心動命爲備是晚繫僧果毀獄出與邏者格鬪不
勝伏誅旦謂僧既就繫而破械奪門非藉外應必不敢

爾更趣衆趨寺掩之至則寺僧已列杖明火將出衆急
擊皆散走就擒廼傳爰書訊鞫論報具獄廢其寺盡得
子孫堂地道複壁及諸幽秘爲奸狀窖金數萬兩有鐫
湘吳州縣字者則皆僧行剽都陽中解京庫帑也事聞
詔繫吳江尋擢貴州道御史後以言事忤當事歸卒于
家著有黃庭經註道德經註及評選李杜詩行世子萬
里孫紹芳俱舉人

雍正
舊稿

黃傑字一貞號忍江同安人嘉靖乙未府學選貢第一歷

西安麻城訓導海康教諭伊府教授致仕三辭署印操

若冰霜貧士有餽必力却之汰其陶鑄者甚多所至多有可紀而在麻城尤著其始至謂諸生曰吾初授官不寢竟夕念官名訓道豈漫也哉訓字從言從川朝廷欲吾與諸生言善相切劘也導字從首從之從寸欲吾首躬行示所之尺寸莫踰越也諸生聞之知傑欲舉其官矣傑多聞善談論對諸生竟日無一庸俗語聽者忘倦才者愛之中才者教之貧者恤之時以鄉先哲蔡清張岳林希元諸長者爲諸生誦之凡其行事不自點污亦不爲崖異外不急促而內默喻人於道旣轉海康諸生

禮送塞路傑留衣一襲爲代者別以示傳衣之意其後
代者亦勉効傑麻士賢之歸居橙山之麓屢延賓席不
赴學者稱忍江先生卒年七十八閩撫耿公定向其門
士也捐金治葬爲之傳楚粵皆祀名宦

閩書參同安縣志廣東通志

泉州府志卷之四十七終